

永嘉叢書



溫州府圖書館

WENZHOU LIBRARY



温州市图书馆

WENZHOU LIBRARY

水心先生文集卷之六

古詩

○ 馮公嶺

馮公此山民昔開此山居屈盤五十里陟降皆林廬公今
 去不存耕鑿自有餘風篁生谷隧雨旆來岩虛人隨亂雲
 入咫尺聲相呼四時草木香異類菓菽腴採薪得崖花結
 綴成襟裾此亦佳窟宅可對幽人娛何必種桃源始八仙
 者圖甌閩兩邦士洵洵日夜趨辛勤起芒屨邂逅乘輪車
 山人老白首名氏不見書我獨何為者拊身念居諸

○ 吳江華嚴塔院贈了洪講師

具區以為瀦吳江以為禕自專一方浸盡納海所遺逝川
 無發歎麗澤可求師昔人會心地今為魚鳥資飛者自無
 極遊者自無涯造物不諄諄亦莫分何誰此時余與子相

遇相諧嬉曾觀烟雨外未滿蒼茫思復來秋風後重有騷
屑悲不及日月入爛焉墮輪規尙見波濤驚纍然擁邱坻
况彼瑣細者蒲葵爭紛披當年吳季子德合無醇疵范蠡
之所矜視之眇毫釐末路張季鷹適意亦見推人才非一
端事近苦易移常恐後生輩風流日凌遲縣憂公家迫俗
陋棟宇卑子將跨大閣對此連天瀾英雄久銷歇枯槁乃
光輝眞余一楊處析理定興衰

○ 送趙景明知江陵縣

吾友趙景明材絕世不近疏通無流連豪俊有細謹尤精
人間事照見肝鬲隱忽然奮鬚髯萬事供指準漢士興伐
胡唐軍業誅鎮久已受褒封誰能困嘲擯四十七年前時
節憂患盡去作江陵公風雨結愁愠昔稱長官貴今歎服
勞窘夜光儻無因早晦行自引田園多遜夫未必抱奇蘊

勉發千鈞機一射強虜殞

送鄭景元

兄弟同升難高材自摧角官多復不記四載禮南嶽一朝
盡室去非食遭歲惡丈夫軒豁意快緊出鷹鷂忍事得無
慚信有古人學建安雖閩壤桂樹美可樂合抱更連理叢
生蔭州郭歲月歷悠長根株見齷齪終當作大厦積功在
雲壑尙友如此君蒼天未爲薄

題賈儼不忘室

賈子好修士躬耕鹿巖阿茂木俯清泉幽處堪逶迤有室
淨菜几圖史參前羅獨能取我語標榜相巍峩我語不必
記子意故足多物之徇外者迅若橫流波當其一念覺臍
胝駐崩渦神丸起痿瘵厚纊還暄和倫類苟通明軌轍盍
舛訛但憂所見弱繚如附松蘿輿薪豈不睹奈此斤斧何

勿令學高山。所至纔巘坡。如於眾稊稗。收拾同穎禾。雖云善端在。坐悼良時過。子先法曹掾。仁義躬濯磨。活人不知數。一善禳眾瘥。每識飯牛下。有作甯戚歌。至今鄉里敬。墓柏垂霜柯。子質復粹美。藻火兼佩珂。中夜再三歎。警策自詆訶。未合者參辰。已逝者江河。所願天爵尊。非必貴決科。

陳同甫抱膝齋二首

昔人但抱膝。將軍擁和鑿。徒知許國易。未信藏身難。功雖愆歲晚。譽已塞世間。今人但抱膝。流俗忌長歎。儒書所不傳。羣士欲焚刪。譏訶致囚筮。一飯不得安。珠玉無先容。松柏有後艱。內窺深深息。仰視冥冥翰。勿要兩髀消。且令四體胖。徘徊重徘徊。夜雪埋前山。音駭則難聽。問駭則難答。我欲終言之。復恐來嚼沓。培風鵬未高。弱水海不納。匹夫負獨志。經史考離合。手振二千

按朱子集卷陸同甫云云公詩皆甚高正則奉寫元工卒年故意尤切令人學思所惜不啻而頂門上正鉢猶存第一義也特印指此詩
甲子月安慶引錄也
時同甫謫歸壽州治園身親操甚見于朱子此書抱膝齋蓋即此時所造 同日文記
吳子良林力備設亦心以龍川游此川才高而學未粹者處而心未平也心未平不以為怪也作抱膝齋詩鑿語規者切中其病也時以心初起不能以心有虛名龍川雖不樂亦不怨 甲子四月止庵記

年柔條起衰颯念烈儻天回意大須事而偶然不施用甘盡

年柔條起衰颯念烈儻天回意大須事匝偶然不施用甘盡
齋中榻寧爲楚人弓亡矢任挽踏莫作隨侯珠彈射墜埃墟

○ 超然堂

晨興詣曹參使駟傳呼趨庭頭頸屈退歸闔戶胥吏玩過
門掉臂不入室宅舍空荒轉頽漏騶僕藍縷常寒乞此堂
豈可更超然乍可鞅掌中怫鬱每憐莊周齊物論遣詞曠
蕩遠經律獨稱松柏受正命舜何人哉盡倫匹萍實浮沈
江漢遠劍氣騰擲牛斗出招徠鳳麟已悠緩琢磨圭璧強
堅密檐擎自貴竭人力起倒相因廢天質古今問學滿天
下分寸毫釐難細詰以茲凜凜觀萬事口不敢言心自失
今朝幸續省倉米且以糜煎飽時日

○ 再過吳江贈僧了洪

回飈掩夾浦勢與黑樓頽連袂上長橋身弱屢見扛苟無

傾覆憂恣橫未易當坐定互驚愕師云乃其常有時氣力
雄駕浪拍此邦熟風無失舟小艇來茫茫始悟寡所諳論
改色遽張衍小以爲大空令事難量玩變不覩微亦乖智
之方已矣勿復云聞鐘過石塘

靈巖

穹窿右俛眉天平左垂鬢吳人宅沮洳茲山抑其鎮陡起
爲表著突兀數尋仞樛松頗堅瘦立石乃榮潤兼有千里
陂杳靄來遠韻宜乎登椒丘擺落思奮迅亡王未亡時絕
色館孤峻歌聲妙欵乃俎品窮蛤蜊援琴固停晷解甲仍
轉瞬終歸寂寞人破釜煮枯堇陳迹不足弔新締何勞問
三年姑蘇驛空望此塔近適當熟食節煖氣無已吝豪風
增春愁異雪損花信聊以壯遊衍歸受兒女鞮

葑門

遺墨固藏神希聖非立我斷後輒無前實右卽虛左品定

遺墨固藏神。希聖非立我。斷後輒無前。實右卽虛左。品定賦織洪。義明分勇懦。端木語衛文。洙泗皆卿佐。孔子敘夷齊。後進尙鬼瑣。從來一大事。幾作鴻毛荷。知非言所及。結網魚受課。誰持空空質。放縱無不可。茲門小精廬。荒寂衆萬過。欣余二三子。拙力守饑臥。楊花安得攬。飛去天隅唾。唯有露垂垂。滿畦紅藥墮。

○還華賢良九經說賢良進卷語林等

華君官五世。人物樸而重。窮經不辭難。著論何其勇。編排過百帙。裝度高一冢。見聞頗驚訕。吟玩自欣悚。余本空疎人。盛刺勤遠捧。津般俾之讀。涉岸滄溟洶。惟知畏浩博。敢復議煩冗。芟蘭恨柔蔓。櫟社嫌擁腫。誰令獨管吹。而爲衆竿恐。楊墨歧路迷。服鄭巨林拱。西隣黃策子。簡要獲天寵。君兮幸持歸。臥看雲生壠。

齊雲樓

天下雄諸侯。蘇州數一二。都會自昔稱。陪京今也貴。奕奕
撰重樓。岩岩立平地。虛景混空蒼。囂聲收遠肆。闐闐雖散
闕。欄檻皆堪記。向非土木力。焉能快高視。湖山西南維。江
海東北暨。舒緩未爲愚。疏達終多智。窮民一宵燈。細巧雜
紋織。豪士三春卉。妖麗亂名字。侈甚見精誠。富餘輕講肄。
先朝豐豫日。應奉稽古義。花綱飛入汴。石林鬼浮泗。天然
造生活。始者行賑施。王公占上腴。邸觀角奇致。是邦聚瓊
璩。四顧盡憔悴。狂胡誤濡足。遺藝等交臂。艱難屢省方。薄
遽虜頓置。因循墮和好。俛仰銷年歲。翻憐井邑盛。又使編
氓匱。頗云魚蝦微。亦已困征稅。人生賤苟免。所向剛強氣。
呼鷹飽。何待暴虎怒。斯易吁嗟久。悒悒胡爲長。惴惴夜聞
踏歌喧。激烈動哀思。吳俗固捷疾。吳兵信蠶利。項梁起讐

秦子弟奮投袂功成須力到豈必資黠慧寧羨鵲居巢盍
如蛤有類未發忌先聞因詩良自喟

○ 虎丘

虎丘之名歲二千。虎丘之丘何眇然。衆山爭高隱。日月笑
此拳石埋平田。雖然培塿疑異物。劃開陰崖十丈懸。冢中
有恨索遺劍。亭上無語傳枯禪。偏是吳人愛山急。逐面分
方誇。凭立屋承隋唐良。穩稱墨題熙豐尙。新溼松梢莫遣
風雨橫。石盤自添苔蘚澁。春來春去吳人遊。足繭層巔踏
應泣。

○ 北齋二首

頻年寄全吳。解宇雜傭保。前廳久傾壓。後舍炭敲倒。常因
霖雨後。壁壞不容掃。跳蛙浴漏瀦。野穀媚穿杲。以茲違色
養。先還媿親老。低頭謾商歌。瞪視豁愁抱。當身良易足。遺

後非長道幸今修整畢楹桷正完好晴窗閑晝永夜榻初涼
早友朋坐雍雍燕雀鳴草草居室君子後華門固爲寶矧
伊澤國士敗棟滅塗潦謬充使者屬職思振枯槁人之所
歎羨未必天能造卷藏姑罷歸蠹簡說剛浩人情無終極
匪陋則求佳寢處既少安游燕豈不懷惟思舊酒務糟醪
荒榛埋破瓶聚隆垤新螿連長堦種竹夾超然移花遶北
齋及爾風露清忽感意象諧幽深容浪蕖潤澤長芳荳亭
亭兩高梧買自婁門街俟以歲屢寒窅若萬仞崖吾留能
幾日齟齬強安排方嫌樹影瘦復慮地勢低世間香味悅
每與腥羶偕雅故使鄭淆法語仍進俳俯同侏儒笑但恐
好惡乖莫窮有限物徇此未腐骸

○ 題椿桂堂

九官八士古之良靈椿丹桂後騰芳馮公詩意雖短陋聞

九宮八士古之良靈椿丹桂後騰芳馮公詩意雖短陋

里傳誦終難忘君家同生五兄弟短檠伴夜東方啟黃旗
兩記張慶闈紵袍三號趨文陛辭華標角人力能科名均
齊天所興作堂不須棟梁好但種此木高千層透日垂陰
香未歇滿庭車騎同時列更將磊砢替團團留與北風觀
壯節

嘉禾莫氏兄弟五人元忠若晦似之若拙若冲自紹興
庚辰以來相先後登進士第縣以五桂名其坊又自揭
所居堂曰椿桂姑蘇通守與余同僚屬賦此詩

贈訥相

柯山訥相醜形模以相獲妍如子都每將氣色較官簿初
若搏影終探符劉公實陞提刑丘宗卿加龍圖就中兩說
最稱驗余耳所逮非人誣汎言心事依勸戒多假名器煩
邀呼君門九重遠萬里求者爭道分榮枯一身暫寄百骸

美必石門人若晦字子明若
冲字子謹詳見所江通志循吏

聚。植。彼。朱。紫。誰。頭。顱。子。其。惜。術。無。浪。許。恐。負。西。山。之。餓。夫。
送鄭虞任赴京西檢法官

春風逝無涯。夏潦生未已。思君遡江漢。行銳業難止。事繁
絲唾亂神靜。魚鱗理前年。浙東幕借助。獲專美。邊頭值閑
暇。人物盛儲峙。荒村魚米場。孤戍花藥市。雅知足禪味。翫
世失憂喜。但疑櫛上白。時雜髯間紫。豈非久不遇。感歎妨
隱几。回首舊隆中。畦壠長蕤蕤。

張氏東園送王恭父得殿字

燕鴻不相須。進趣自求便。余來君其館。乃復當我餞。一春
三月雨。亭樹鬱霧濺。絮重厄飛楊。花薦堆紫茜。縱有百壺
清。何能一笑遣。為郎昔同甲。四海初會面。凜然抱英特。霜
宇搏溫霰。雄辭推落筆。一語不可選。重來更純粹。玉琢金
就鍊。漢家闡道術。四達詔羣彥。談經石渠觀。會議白虎殿。

通方要歸宿立異豈夸衞子行若微罪天意委深眷以其

就鍊漢家闡道術四達初羣彥談經石滄木觀會會議白虎服版
通方要歸宿立異豈夸衒子行若微罪天意委深眷以其
今固辭可信非始戀楚熱宜縹緜峽漲難短牽回舟泊書
林及此未掩卷

奉賦德修西充大夫成都新園詠歸堂二首

浣花炫春溼濯錦絢晴浦成都信繁會此水工媚嫵豈無
濠上亭蹙步難仰俯誓言違市朝卜宅近幽阻沃沃葵莧
畦焰焰棠杏塢朝曦溼淺瀨暮色生遠渚循涯詠未厭引
流絡其圃蘋苕依籬樊鳧鴈宿庭戶長松百里外物象爭
渺莽時平乏隱淪蓑笠自歌舞岷江志東向急射走吳楚
胡爲滯淫之習坎聖所許

我生海旁州古言江來鋪力浮萬頃盡坐識一溜初之子
酌彼源紺潔玉斗鄭雅韻舒煩憂逸駕陵趨起詠歸有何
意豈亦歌風乎湛湛遊無梁滔滔濟無桴縱橫洞伏中暮

齒將焉需。三閭始開闢。十畝終耘鋤。東西兩莊舍。兄弟相
磨呼。緬哉趨前規。更作卻後圖。顧思曲肱樂。一身匪求餘。
我獨無家歸。羨子鑄自迂。

送馮傳之

我乞來荊州。足未曾出門。明明楚漢迹。莽莽風塵昏。茲復
罷著書。梵譯專討論。頽然對白法。諸有不得存。傳之京口
別歲暮。始窮源。帆張飛動勢。纜繫棲泊痕。相顧舉杯酒。醉
極沮漳翻。儒生慕傑氣。赤手誅鯨鯢。將軍建實壘。寸甍宜
自攢。于時雪五尺。遣卒問江干。答言屈大夫。橫肆羣魚吞。
豈如衛甯遠。舒卷常溫溫。聞此重嗟嘆。恐墮禍福觀。禳禳
用國寶。誰能免沈燔。要令德性修。乃挽江海渾。我今材力
盡拙計。東南坤尚餘。春秋志欲執。左衽奔念子。獨奈何。葺
屋補牆藩。梅花一兩坼。春意到草根。倘見南枝榮。折寄隨

屋補牆藩梅花一雨拆春意到草根倘見南枝榮折寄隨
驚湍

○送李鄠

蓋代才難看獨手。衆參聞見其來久。流風莫盛元祐時。崛起誰當紹興後。嗟君探討窮一生。心通文字難力爭。雀啄雪籬閣筆坐。蟲吟露草繙書行。已輕富貴須臾爾。萬一姓名傳野史。只愁垂老絕知音。自送青編滿朝市。余之視君尙少年。題玉爲礮何所賢。期君更盡未死日。舉世不信方知天。

○送喻太丞知處州

喻公策名自先朝。奉常冬官始見招。何因斂退爲泉石。可惜垂欲排雲霄。處州不城山作塔。百嶂千峯自翔舞。孤高上頭天一柱。中有秀句須公取。

○送劉德修

羣航弭安流。未脫孤帆厄。獨板亂橫潰。始負衆舟責。螫雷
正須時。春雨宜滿澤。勇夫攻堅退。智士倒戈獲。去年北關
路。永歎出處隔。俄欣鳳儀雅。緩彼梟搏磔。發覆洗塗糊。召
和開褊迫。一日期萬年。倏眴展長策。居然西州道。千仞斂
歸翮。鬢髮何用青。肝膽元自白。古聖豈不勞。築此英俊宅。
誰令閉榛莽。回曲用蠻貊。天門眈蕩蕩。瑤實連蔓摘。種玉
如有方。從今空積索。

題李君亮義槩堂

分煢人所能。多至踰萬億。一朝可趣具。寒暑三十易。古之
轅金者。其始蓋未惜。懷哉西方士。義重見寡特。招呼幾州
氓。歲歲青黃食。雷聲七筓動。雲湧床座窄。昔我手行粥。今
也愆膂力。憶汝身自孩。又抱兒子喫。豈有不足歎。幸無嗟
來色。天爲產厥孫。文射最高策。勞君太史令。乞彼峨眉伯。

出處善知時。教訓陶美澤。築堂事遺像。雅頌鑄衆墨。我歌則後矣。猗歟綴周什。

醫工歎重贈柳山人

柳生洲居濠北邊。繇辭質野誰所傳。不曾入城行賣卜。有問災福須呼船。歎我奇疾何頻年。其初過清肌凜然已忽。腹拒遭拘攣。一身盡異形質變。恍若土木徒人言。蚤知定性不生滅。今安得爾庸非天。醫工刃人死無律。妄談標本從何出。補勞護弱轉凝聚。排寒盪溼加淫鬱。挾風上行關。膈失迸肉糜皮併爲一。猶云無傷乃餘疾。生雖憐我謬時命。豈悟顛倒緣此物。彼蒼應有司殺者。授柄於工無乃悖。我勞萬事明當休。自古零落歸山丘。但疑未死復不活。熟視重爲諸醫羞。餘聰殘明不可留。治命已乖妻子謀。執訊空貽友朋憂。柳生聽罷掉頸笑。既有主對非吾尤。山歌靜

夜聲宛轉更著此曲歌中流。

宿石門

好溪瀉百壑南北傾萬峯山凡堆阜俗映岸羞爲容石門
忽秀出老幹蔭渟洪捨舟從口入便已離塵中衆芳拱窟
宅環岡獻奇穠藤蘿異態度尺寸疑施功錦茵翠織成照
耀無春冬水行千丈高歎薄不可窮更有洗頭盆雲深霧
常封昔年謝康樂築居待其終繼作者丘裴語言亦稱雄
邈然百世後未忝騷人風栖栖三羽衣日晏齋廚空云子
歛過槩盪洗氛埃胸自歎苦淹留寂寞不易供嗟我老無
用佞山久成翁結廬會昌側勢落魚鰕叢種竹似束葦栽
松如斷蓬小兒餽盆孟何時至周公會當同此住代輪助
之春

月谷

昔從東萊呂太史秋夜共住明招山正見谷中孤月出倒

昔從東萊呂太史秋夜共住明招山正見谷中孤月出倒
影接碎長林間憑師記此無盡意滿掃一方相竝閑

禱雨題張王廟

夏至老秧含寸莢平田回回不敢犁羣農無計相聚泣欲
將淚點和乾泥祠山今古同一敬籤卦分明指休證傳言
杯琰三日期注綆翻車連曉暝龍神波后何慘愴昔睡今
醒喜蕭爽人云天上行水曹取此化權如反掌浙河以東
盡淮壩哀哉震澤幾爲原願王頓首玉帝前請賜此雨周
無偏

開禱三年春不雨江河淺狹田野皆枯裂夏至秧老憂
不得入土禱於祠山廟期以三日逾夕而雨大降插種
畢猶有餘澤乃作此詩刻於廟廡建鄴守龍泉葉適

寄黃文叔謝送眞日鑄

建溪疑雪白。日鑄勝蘭芳。誰知真苦澁。黯淡發幽光。騎省可正論。農卿今則亡。懷人坐太息。泉竭鼎無湯。

往歲詹元善。屢以建溪真茶寄余。所謂常品甘白者云。此侯辣撻葉。爾日鑄世以香爲貴。亦尙白。而文叔餉真芽。色不白且無香。然則物之不僞者。豈將悅人於聲色臭味之外耶。抑且姑全其本質而已耶。

送黃竑

有客家住寶劔窟。將身自比夜明簾。見我立談盡肝鬲。駭視世俗徒沾沾。千年豪傑供指使。笑撻胡虜如奴鉗。嗟予病衰絕少韻。只欲炙背依茅簷。勸子持難復居易。呂梁之舟先歷試。焦桐邂逅爨下薪。良玉磋磨廟中器。誰言怒海鯤鯨惡。別有晴川鷗鳥戲。心亨習坎行自孚。安流儻寄相思字。

○淨光松風閣

城中雲日如火催淨光行食聲轉雷不知何處白蘋起便
有滿坐清風來莫言作樓非急務翁當運斤兒執鋸待得
三間著此風病叟扶攜上樓去

○送蔡夢得

寸步旱黏楫千里脂染輪四國嚴諸侯江沙渺無津翁今
去何之綠樹羞鬢銀惟應苦吟徹龍室報以領珠光比日
和答錢廣文蘭松有剛折之歎

蘭居地之陰藹藹含華滋此本不以剛而爲剛者師松無
棟梁具何用稼冰雪終風撓長林常恐浪摧折願子比令
德一薰容衆蒿笑我非實材千載空獨高

趙振文傳借琉璃燈鋪寫山水人物一燭發明百巧
呈露畫師精妙者不能過也

古稱淨琉璃物現我常寂胡爲自爭妍照耀出痕迹坐有
求心客駭目不忍看願息終歲勞留作袖手安

和答徐斯遠兼簡趙昌甫韓仲止

江東文士稱數人寶冠霞珮朝靈君盧敖善游指天去呂
望應招離海濱有書不止問無恙平生懷抱陳案上會看
作意鳴朝陽陰狐夜短空惆悵

徐仁父先大夫詩卷指其改補鍋八句曰願有請因

疏下方

江南隱君子琢語冰段清彼美補鍋篇義遠有勸懲烹飪
一餉止操持千載成未須誇染指歲晏期曲肱

題孫季蕃詩

子美太白常往世佳人栩栩夢魂通瀉落天河澆汝舌移
來不周盪汝胸千家錦機一手織萬古戰場兩峯直孰南

季蕃名惟信開封人號氣翁

孰雅喚莫前虛簫浪管吹寒烟

石經春秋一代奇寶王氏爲熙豐學廢不用瑞安沈
彬老蠟而有之後世孫體仁閣以度焉余爲名曰深
明

喟昔洛門初上石未久翻遭禁書厄沈公祕藏百載餘高
閣突兀共堆積萬物散聚常橫陳汀花岸草從紛紜海雲
化雨龍正起想象向來悲獲麟

贈二葛友

飛飛下荒村渺渺集蕪城振衣出虹蜺覆簣超丘陵魯衛
百世腴夷齊萬年清翻然捨我去東風初渙冰

呂子陽辭蘭谷家園却就石泉精舍

子陽意高希古人文如行空無定雲清明未容詩酒污放
曠自許漁樵親故園好木日夜長友逝兄淪不同賞改綠

由堂由堂當時朝丹未開苦
歲暮秋時也

此詩贈黃巖首元承兄弟

移紅自若何躡磴捫蘿心獨往我昔迷津經上呂鬪出飛
亭壓行路石影參差研匣寒花陰回薄書奩莫離家十里
山轉深琅玕滿地芝成林竹雞睡去月當午閑聽孫登長
嘯音

永嘉端午行

行春橋東峙巖北大舫移家住無隙立瓶叵羅銀價踴冰
衫雪袴胭脂勒使君勸客親付標兩朋子奪懸分毫起身
齊看船勢側橈安不動濤頭高古來崢嶸水鬪勝負湖邊常
羸豈其數岸騰波沸相隨流回廟長歌謝神助只今索莫
何能爲敗鼓攪壕觀者稀千年風土去不返醉裏冤讐空
展轉

題掃心圖

大心覺也無虧成小心漚也隨滅生道人常與帚柄行遇

其欲起須掃清世間亦有無根樹又言朗月當空住劫塵

其歛起須掃清。世間亦有無根樹。又言朗月當空住。劫塵顛倒不自由。只笑本來無掃處。

○後端午行

一村一船徧一鄉。處處旗腳爭飛揚。祈年賽廟從其俗。禁斷無益反爲酷。喜公與民還舊觀。樓前一笑滄波遠。日昏停棹各自歸。黃瓜苦菜誇甘肥。

贈朱承務

顛倒八八卦。流轉三百六。前民此何神。占險空屢瀆。以病既當止。以年自當休。春泥不補裂。莫謾任虛舟。

尼童何了洗。從道一長老。六年一忽捨。去莫知所之。

或云在天目山也。洗甚喜。將薙落從之。可少助乎。

一師今何去。天目萬丈雲。著我粗袈裟。對住大茅君。

著存亭

馴鳥得食常好鳴。靈茅無種還自生。魂浮魄散葬何極。耿若有見悲難平。山脈迢迢繡峯住。墓氣騰騰縷雲去。鮫人抱寶夜出游。指點今來著亭處。

寄題運使方公祠堂

投村宿店破鞍韉。乞鹽放酒心拳拳。南荒走徧得瘠渴。玉井無藕何由痊。令子名高壓蘇武。慙來重覩經行處。追思往事空泫然。榜墨尙新牆壁護。佛幢五丈留衣冠。大書刻記詞辛酸。神來正值荔枝熟。神去還愁桂子寒。吁嗟嶺民未知禮。因君始拜令顙泚。從今簫鼓祭春秋。福我如生首長稽。

鄱陽董季興往游懷玉山。捐田入寺爲民禱雨。君旣道甚本末。又示山中五章。請余賦之。然比來霖潦淹月。鼓爛乃未秧也。方幸數日晴霽爾。

懷玉漱龍懶心性。六月因眠祈未醒。廣文偶來亦同病。買

懷玉湫龍懶心性六月因眠所未醒廣文偶來亦同病買
田施食慙勸請誰知領縣春風邊嗔蚊怒鱗腥熏天須君
一念晴雨若遮莫雇僧輸俸錢

改東門出二首

百步鑿新徑千年開舊池值此盈月雨川流潏溷瀾蕪深
草色碧雜卉華衆枝魴潛警夜躍鷺起衝晨飛我老皮骨
銷扶行歎透遲安得有遠志畢願藏郊扉

左方擁崇岡昔也重嶙峋自我護樵牧林光稍敷紛與菊
明踈秋隨桃照穠春本求平野立入荒辨燕秦終限分寸
珠僧磬通比隣面牆雖養蒙意生豈名身

○中塘梅林天下之盛也聊伸鄙述啟好游者

幽花表窮臘病叟行村墟所欣一蕊吐安得百萬株上下
三塘間縈帶十里餘荒茨各尊貴野徑爭扶疎愁雲忽返

旆急霰仍回車蒼然歲將晚陡覺天象舒羣帝胥命游眾
 仙儼相趨龍鸞變化異笙笛音製殊物有據其會感召驚
 堪輿妙香徹真境態色疑虛無問誰始種此豈自開闢初
 至今闕勝賞浩劫隨榮枯兒童候黃墮捧拾紛筐孟熏蒸
 雜烟煤縛賣傾江湖臙脂蘸羅縠絳艷生裙襦和羹事則
 已甘老山中驪以茲媚婦女又可為嗟吁夜闌燭燼短月
 淡意躊躇林逋與何遜賦詠徒區區

王氏讀書堂

誰能採桑談誰能帶經鋤古人讀書地妙理出窮閭矧今
 治華室山翠湧前除風燭聚景趣花竹成畫圖主人烏紗
 帽子弟繡羅襦新裝繭紙印上記開闢初展卷忽有得欣
 如奏齊竽勉哉造其微勿逐皮毛粗
 王簡卿侍郎以詩贈王孟同王成叟之姪也輒亦繼

吳子良林不編後曰五字有江湖
 之思起於梅梅之字林字同
 應以多木不系下蓋魯想身所
 之趨在日前使人多結一也
 杜子美之華嚴龍指去天山相
 與江水也似而徑蓋若止齋
 送華正則之妙水賦隔人白
 類况連合王意大遠而語通
 后山心正王意同云林最橋拍
 重滿白華嚴輕喜合華
 而後不費
 十字細鍊吳子良實之不一

作

季父昔從我。寒燈聽微更。強扶瘖聾和。誤策蹇跛行。坐令
 兩銷落。無復一崢嶸。宜汝逝不留。出門訪咸英。大溪逢侍
 郎。折洗心胸清。新詩發妙意。說盡文字情。侍郎蓋代豪。平
 蠻蚤垂名。覽書五行下。援筆千人驚。點化謝瑀刻。涵濡透
 晶熒。林黃橘柚重。渚白蒹葭輕。褰裳念數往。歲晏霜雪零。
 余頃爲中塘梅林詩。他日來游復作。

側聞中塘好。曾賦勸游篇。凌江入枉浦。聊復信所傳。化工
 何作強。耿耿不自憐。山山高相映。塢塢曲相穿。林光百道
 合。花氣千村連。風迎亂駛馭。日送交嬋媛。天回徂陰後。地
 轉升陽前。初如別逃秦。疏附恥獨賢。又疑未興周。掩擁欣
 俱全。惜哉見之晚。重尋畏彫年。一省三嘆息。十步九折旋。
 詩家詫梅事。槁乾陋肥鮮。常於寒角曉。愛彼明冰懸。疎枝

澁冷豔小窻露孤妍吟悲傷留嘆句喜珠離淵忽茲遇眾
甫欲殼羞斷弦無以寄美人千室炊莫烟明朝指行處霧
雨空迷田

送葛元誠

數年之留能浩浩一日之別還草草念子身名兩未遂令
我衰病無一好古人探道從妙年今人重耳輕目前不愁
好龍龍不下只愁愛玉酬石價

送白艷還蜀

翻翻文若秋江生幽幽詩如寒澗鳴前歲淹徊下巴峽今
年憔悴出京城憑問天邊五色羽何事飛來復飛去昔人
但苦樊籠悲豈知此日籠無處

朱娘曲

憶昔翦茅長橋濱朱娘酒店相為鄰自言三世充拍戶官

憶昔翦茅長橋濱。朱娘酒店相爲鄰。自言三世充拍戶。官
拋萬斛嗟長貧。母年七十兒亦老。有孫更與當壚否。後街
新買雙白泥。準擬設媒傳歸好。由來世事隨空花。成家不
了翻破家。城中酒徒猶夜出。驚歎落月西南斜。橋水東流
終到海。百年糟。正一朝改無復歡歌。撩汝翁回首尙疑帘
影在。

翁誠之挽詞

西方之人美無度。眷此南邑朝陽鳴。如錐出囊擬砭國。似
璞有價空連城。三仕郎官老將及。一去郴州喚不應。朔風
吹潮沒復湧。渡口野梅飛碎瓊。

送曹器遠

曹子苦心懷百憂。古人遠矣思同流。平生未得雄豪力。今
日便肯舉微休。麻源洞裏瓊葉雨。南草市上蘆花秋。十年
老語爲誰了。西望滄江空白頭。

○送丁子植

婉變好少年。憶昨十五餘。割慈避父母。遜志親師爐。已上
破荒第。猶勤未見書。平生烟雨外。秋浦荷蕤初。屬寒歲高
上。議政關慘舒。吟情且勿放。民隱諒少攄。

官院

○送方書記兼簡府主

我昔防江之下流。獨許蔡子專軍謀。未能奏效累絲髮。已
復負謗叢山丘。小范兵精思慮遠。片言坐折羣疑滿。幕僚
無過只論功。登秩薦賢來衮衮。上流蜀接更吳通。桑麻萬
里炊烟同。鸚鵡洲前長笛晚。黃哀蘄怨何時終。

偉叔蔡兄來永嘉。屢辱投贈於其歸也。輒奉俚歌爲

謝兼敘離索

慶厓故家忠惠後。性酷喜文疎嗜酒。飄風驟雨蛙蚓寂。草
玄獻頌龍蛇走。古人道大何不容。回空賜殖同升堂。若遇

韓門親指畫。豈有不在籍。混行水心可憐地。如掌讀罷君

韓門親指畫豈有不在籍湜行水心可憐地如掌讀罷君
詩一惆悵文星今直正莆中去覓掀天無底浪

送戴料院

質如金石堅文比錦繡新利錐亦穎透大樸終還涪憶昨
慨其離早合儀朝紳于今悄復去奈何猶選人西風管搖
落黃菊別有春茫茫九衢內白汗沾紅塵誰拋連城富却
買徑寸珍世路豈云極念子行李頻

幽賞

禪房裏花窠靜與水石會春禽更語默夏日遞明晦紛然
衆竅殊跌坐凜無對

梁父吟并序

諸葛亮生初平建安時值何董交亂豪傑並爭皆藉王室
爲辭知其勢非代漢不已又自量其材非有超世之度者

亦莫能用也。耕於荆山之陽，以苟免不聞爲事，其甘窮約而不厭，若將終焉。然自是遂與劉備周旋於長坂、武林之間，使備得益州而相之，立禪不制天下之命，雖功業不究，然秦漢以來可謂人臣之盛。未有若此者。亮之未沒也，自表後主曰：「成都有桑八百株，薄田十五頃，子弟衣食自有餘饒。至於臣在外任，日別無調度，隨身衣食，悉仰於官，不別治生，以長尺寸。臣死之日，不使內有餘帛，外有餘財，以負陛下。及卒如所言。余讀至此，未嘗不太息也。使亮終已不遇而抱孫長息以老於隆中者，其躬耕之獲，豈少此哉？何故自親漢魏之勞，至今遺恨以死，是殆以天下厚其身者乎？當幼孤之際，不潔其名，處富貴之隆，不安其利，伊尹、周公蓋庶幾焉。豈與管仲能合諸侯，則三歸反坫，蕭何保關隴，乃賴田宅賞貸，以自汙比哉？史記亮耕隴畝，好爲梁

父吟身長八尺。余既高孔明之行事而想見其詠歌之思。於是追述其意爲梁父詞以傳於後。使讀是詞者孔明之心猶有考也。詞曰。

依大麓之遺趾兮。儲后土之神靈。樂天地之休嘉兮。皇涓潔而薦誠。集后土之雍容兮。刺百聖之禮文。却大輅而御蒲秸兮。惟儉德之是崇。端一心而燔燎兮。卜仁義乎永年。刻玉檢而請命兮。何事祕而弗傳。嘉梁父之草木兮。被赫然之寵榮。咨梁父之遺老兮。悲忽不覩乎穆清。維千乘萬騎之雜沓。嫫媧兮。猶彷徨其行聲。夫天運之適合兮。雖聖其猶莫知。彼河之洋洋兮。雖美而不濟。泰山之椒。旣風雨又艱險兮。乃登封以類告。豈其不可一兮。伊所遇之獨異也。雖伊周之輔世兮。曾何足以自喜。喟余生之孔棘兮。邈不及夫七十二君。日月幽而不明兮。遭玄夜之方長。競鈇

銜西岳爲作岩類共濟具
類類亦皆琴也此謂孔子自
看路河而返而作皇乃融登
封泰山也

鉞而日弊兮。逐亡鹿而裂其髀。肩漢氏之爲的兮。而不遺
其餘民。余旣朴陋而不能謀兮。又怯爽而畏兵。搢珥瑁於
盜賊兮。何不朽之可幾。曾死亡之幾何兮。苟亂世以自免。
幸此土之平樂兮。依鎮南之不遠。余耕兮。隆中地沃衍兮。
宜稔種。相原隰而下上兮。町厥壤之百畝。彼二代之民樂
兮。豈不愛其皆有此。偷子腹之獨飽兮。視歲行其在酉。天
旣漑之以雨露兮。余又滋之以澮畎。禾穰穰而同穎兮。或
一稔而二米。霜露下此。稔穗兮。余與牧之。豎被之。雀鼠敗
其秉穗兮。余與隣之父。刈之。貢龠合於許下兮。尙玉食之
萬一。俾君父之啟。魏兮。相祀事而勿失。昔文王之盛德兮。
奔走商之暴虐。蔑君臣而自恣兮。吾何用乎此粟。黻冕兮。
茅蒲。衮衣兮。襍褻。余力耕而胼胝兮。藉豐草而一息。扣梓
角而長歌兮。聲中雲門之律。厯山已蕪兮。鳥下啄其鳧。苾

有莘之臣日以遠兮。野老鋤其故泥。計其食此兮。月不能

有莘之臣日以遠兮。野老鋤其故泥。計其食此兮。月不能
一鍾。耻一夫之釋耒兮。故爲無所用於耕。嗟聖賢之心兮。
余或識其微隱。余誠遺望不可逮兮。復嗣歲之將興。

剡谿舟中

浙江大浪如履空。鏡湖挾天雨復風。我行獨到勾踐國。寒
溪一溜蜿蜒通。螯龍已臥潭谷底。溼螢不照蒲葦叢。山林
卑陋無枯柏。霸氣埋沒惟蒿蓬。是時初冬未凝沍。天地蒼
莽日常暮。涉江芙蓉不復採。緣道野菊誰能顧。饑鳥遠鴈
長追隨。夜聞悲鳴朝見飛。前村雞犬護籬落。此復何苦號
其栖。自傷憔悴少筋骨。半生逆旅長太息。王家少年未省
事。扁舟往來何所得。百年有意存禮樂。一飽未足謀通塞。
且能對酒長酣歌。聖賢有命可若何。

新移瑞香舊曾作文忘之因今追憶云

一株當三春名花不易得百年等尋丈不博千乘國野人
三十本強賣青銅百應憐跼躄具苦爲薪米迫移栽向明
陽妃媛儼行列土膏合根性功用成宿昔餘香出淺紫泣
露輕脈脈含愁欲誰訴折去情更惜方求蔽芾陰未受搔
擢厄嗟余自羈旅何以慰新客慙慙深夜來少待山月白

○送薛子長

藏冰待炎威織裘禦冬霰彼此互有適用舍空屢變蘭菊
倚戶出松柏參天見美質不必同偉幹非世便薛生靜而
敏器宇絕幼愿能文乃天姿脫穎酬始願衆技逐高卑雜
學徒貫穿趨聖由一途任重工自勸古人文已立後世皎
難銜媿余莫負荷期子幸無倦

○送陳彥羣

雨洗蝗蝻餘涼生癘瘧後今朝江上峯淨失勢霧垢舉觴

忻有屬餞我同年友。平居多契闊。遠別方嗟咎。大郡得師
儒。高文與孝秀。雍容入儒雅。磨錯見瓊玖。衆儒治六學。厥
志存不朽。量空計尋丈。汲海論升斗。因之入簪組。併欲垂
篆籀。公才賦超卓。傑立氣愈厚。火宿無餘烟。果實甘衆口。
書來幸細評。副此頻矯首。

題人扇

外德欲晦。面目自蔽。內德欲耀。肝膽畢照。二法相除。我則
有餘。穆如清風。用之不窮。

與英上人游紫霄觀戲述短歌

野水隨路曲。東風得木鳴。景物已和柔。川原倍敷榮。茂桑
高。旣條細草亦叢生。眷言雲外士。及此塵中行。南臨大陂
出。波面與心平。道旁古精廬。黃茅間榛荆。會集傾遠村。裳
衣自鮮明。銀釵插山丹。歌笑喧嚶噓。何以勞比隣。粗妝雜

餒餒去年穀不飽。白骨今縱橫。等爲造化役。未究悲忻情。
歸來日已夕。舊徑成溝坑。大車者誰子。不寐方宵行。死魂
未滿眉。擗埴將安程。感此良自哂。抱谷非鸚鵡。

白紵詞

有美一人兮。表獨處。陟彼南山兮。伐寒紵。挑燈細緝。抽苦
心。冰花織成雪。爲縷不憂絕。技無人學。只愁不堪嫁。時著
鄭僑吳札。今悠悠。爭看買笑錦纏頭。

王木叔祕監挽詞

美人昔來芙蓉傍。山爲發靈水吐芒。美人今歸在何處。簫
哀鼓悲葬前岡。我欲從之似雲出。友風子雨游四方。夢魂
無憑不可挽。坐攬衰涕終摧藏。

月波樓

下林百果春自花。屋藏汀陰泉著沙。光風颯雪誰汝惜。繁

紅密翠空敲斜愛。君樓高出江上。百里江山開四向。峻屏

紅密翠空欹斜。愛君樓高出江上。百里江山開四向。峻屏
森聳。遠更寒。紋練縈回。靜猶浪。孤潮夜卷西頭來。海門推
出冰崔嵬。豈知星河遭映奪。只使鸛雀常驚猜。此村風景
澶且魯。接樹移花。今復古。勸君種學化兒孫。不須貯妓呈
歌舞。

送陳子雲通判

周子也復可憐人。憂民憂世語轉新。每妒吾州何巨福。通
判乃得陳子雲。

臨餐吐食嗟無餘。幽情慘鬱時一舒。感君善意過於令。周
子之語良非虛。
三月召龍頻鼓鑼。喜作小雨恨不多。移苗未了君已去。更
借後福書歸禾。

劉全之太守陳子雲通判胡衍道知縣永嘉何其有福

周純臣語也

賦董季興玩書巖

玩書巖裏刻成真。水簾花鬢春復春。一朝斂策去何所來者對之如古人。美哉骨清神亦爽。西瞻匡廬東鴈蕩。滿車圖畫常載行。到處名山留塑像。

送劉晉卿

草黃木脫何所適。使我感歎生百疾。天驥屢爲駑駘笑。良玉空遭砭砩黜。少年壯志思絕塵。只今作計常後人。明堂巨棟吾何有。護竹養花甘隱淪。

水心先生文集卷之六

水心先生文集卷之七

古詩

孔英名器字史有倚

送林孔英

東堂質疑匙啟鑰西廂坐講水赴壑本朝合選經博士萬里那投郡文學東風吹散石門冰吳人送去蜀人迎雪山峩峩大江滿棹樓過之清又清

贈巖電隱士

近時術人多莽蕩要把虛名隨妄想神王雖云形不拘尺直須防尋有枉從來鍾鼎無山林老去豈復少年心若言部位許虧闕已早騰踏非埋沈

送謝學賓

衰年嬾看客十臥適一起謝子何許來我屐屢折齒貌閑神又肅論事靜而理紛然嘲啗際莞爾諧宮徵麟獲無怒

明郭銜石洞胎芽集一韻此詩
有序云石洞有蜂受極名于菜
中久矣且此一本別無生者恐
異日共其信也故為賦以記之

角鳳去愁遯尾正應晚聞道不受血氣使山頭蕨芽老未
鎌庭中桂枝春已添巢由亦有藏身地小壓聲名傍屋簷
何倫秀才親喪不能舉冀其親戚故人有知之者

兩母久未葬魂冷常夜嘶病婦槌心號血盡身為泥我死
不自惜少忍賦有甕何當深九仞更與崇四尺

蜂兒樵歌

平林常樵啖俚蠻玉山之產升金盤其中一樹斷崖立石
乳蔭根多歲寒形嫌蜂兒尙粗率味嫌蜂兒少標律昔人
取急欲高比今我細論翻下匹世間異物難並兼百年不
許羸栽添餘甘何為滿地澁荔子正復漫天甜浮雲變化
嗟俯仰靈芝醴泉成獨往後來空向玉山求坐對蜂兒還
想象

趙子容任溫州司法終日看冊子而事自理又新廩

儲糧功利可傳也為賦讀書行率諸友同作

趙子容任温州司法終日看册子而事自理又新廩

儲糧功利可傳也爲賦讀書行率諸友同作
法曹允散人不管聞道自要紛華損常平築敖米山積讀
書豈知米塵滿歸來依舊茅蓋亭焉得捨學干時卿不然
天上讀書去蓬島瀛洲無限清

登北務後江亭贈郭希呂

壁上陋室銘門外翦茅亭小市魚鰕散寂寂大江風浪來
冥冥郭翁雖老猶貌澤腹貯今古心和平只應獨將笏拄
頰清坐都不挂毫髮何必隨逐欄頭奴日招稅錢三萬億
前靈運後延年桑麻舊國常宛然城頽路闕總令好不知
於人安穩否

送程傳叟

茂苑臺高春日明君顏如花楊柳青蕭條別離風雨外楊
柳自青君貌改誰知仰天愬天公三辰五星在中心老作

徐昕字景之居平陽桃湖九
日山在泉州南安唐詩人秦系
隱處韓公謂僅以謫官遂
家于此數語蓋甚大赴官
泉州而今泉州志不載

海頭新主簿蜃氣錯雜迷西東去年無禾雖種菽乞命只
指今年孰家人未可便喜懼少待上司催結局

送徐景大

桃湖遊秦之遠孫繞湖桃葉遮桃根父子聲名動場屋綠
衫手板桃花村相隨入南訪靈迹九日山重海深碧韓公
文高大冊印秦系詩清小塲刻我已衰殘書不成有語安
能爲重輕子今自出瓊瑰句南伯南侯倒屣迎

題五畏齋

曹滕亦據南面權坐衙吏貼羣趨先敢云威福自我出下
有赤子高蒼天聖人迭興建皇極付祝長官尤惻惻前碑
特立示銘誠後榜七條垂訓釋冰清王令來調琴四事未
畏先畏心常將方寸勤管攝不與外物相虧侵情防驕粗
意防滿萬事還須畏爲本君不見匹夫膽大氣如山風浪

此為宣仁后子孫作高乃水
心外家

此為宣仁后家子孫

只在須臾間。

懷遠堂

祖后昔尊御忠邪初混茫。誠行揚于庭直詞招自旁。盡鉏
新法穢還拯疲民康。白頭失路者冠服輝以煌。尤工抑外
家減官卑輪箱纍然兩孤姪。賦祿止團防賜書課熟讀斂
衽常敬莊盤筵化蒲萹歌舞諱姬姜。堂開瞰遠野惟見條
山蒼不知天何意反掌異存亡。何人致顛覆使我同披猖
胡雲半點黑汴水千里黃。飄蕭離宮殿零落趁傖荒。三吳
通葦岸中禁隔龍光。曾孫更寂寞泥裏弄耕桑。風掀炊餼
竈雨爛曬禾場。稍復卓墟墅漸能滿困倉。舊居重回首欲
詣川無梁哀哉血腥浼狐兔久埋藏。想其屢易主指說故
侯王時運從代謝形神終慘傷。翁今垂八十健悍嗔扶將
句中青玉案壁上烏絲行。細抄四簷動繞看三伏涼渚清。

此亦為高元作

蓮葉曉露淨菊枝芳鶴籠翅羽闊漁艤波浪長凜懷南狩
日駭潰非一方當由后請命所以再隆昌顛俊雖草莽象
賢本虞唐不應女堯舜早已墜簪裳勸翁善眠食神道分
否臧會須詔飛下洗沐朝建章

報德菴

王孫生長安仁宅親見宣仁靖家國艱難身後茗水頭舉
目湖山非舊識孩兒負土成新阡手種拱把皆參天皇天
報德無窮年蟠根翳葉藏雲煙

露星亭

斗杓點翠為此城四郊環拱來遙青知君欲覽眾山小取
塲磨就天上亭身心合於高處著萬象不語森湊泊古今
月色遞淺深志士可惜虛光陰

送高仲發

細君吁久寂季弟猶長貧棄我涉遠道策策傷心神舍西

細君吁久寂季弟猶長貧棄我涉遠道策策傷心神舍西
三畝畚作急老自耘稻熟曾未割歸趁秋風新

明覺寺

雲山尖頭海潮湧九月天雪山葉重道人高絕但危坐山
魑野虎皆趨拱住山三載兩遭荒侍者餓損扶參堂沿村
索米未爲恥莫令木魚化龍鐘透水

送蔣少韓

昔子岳陽去我病不能吟久拋風煙句永結江湖心子今
岳陽歸惠我過始覲日月無蔽虧空水互推激濯足洞庭
浦晞髮君山巔誰驚瘦到骨所要清爲天蔀家豐屋永新
縣象牀金簞春風轉提壺未許勸人留求言待上茅茨殿
寄題鍾秀才詠歸堂

鍾君文武隨所求馬上檄草兼詞頭五兵鑄就殺氣動卻

少韓字蔣少與德瞻

寫三賦祥光流左踰陰山右絕漠漠地自厭胡沙惡聖門
歷歷宮牆深風乎不知詠歸樂作堂雖窄海浪寬沂水何
止八九吞當年曾點見真趣推琴難挽由求論課兒讀易
夜參五香燼銷沈澄莽鹵東家夢熟幾時知還有漁人歎
良苦

鹿鳴宴詩

鹿鳴著周雅取士各惟時永嘉近千載文物盛於斯賢侯
奉明指荐棘鎖秋扉希寶難驟識獨鑒防羣嗤誠云得之
慰重爲失者悲鄙夫素寡學已老謾將知仰欣多材聚俯
愧隻影踣晴霜萬里肅威鳳正高飛朝陽羽翩翩春梧綠
粼粼新榮忌輕覓苦節誓終期

潘廣度

豸聲嗚嗚何處村楚些行歌愁斷魂光風自汎靈草碧朗

春聲 鳴鳴何處村 楚此三行歌 愁心斷魂光 風自汎靈草 瑤石朗

月豈受頑雲吞。坐具平鋪佛义手。空劫以前人總有一文。全捨絕乘除。得福便過崑崙渠。

送楊通判

花稀讓林稠。苗疎與田遠。共欣永日寬。更笑餘寒褊。窮閭多樂事。粲粲翠幄展。惜君盍少假。忽泛江流緬。三年綱紀地。一意圭玉琬。臞儒道義深。傲吏威稜淺。山鞋蠟已就。畫筆枯未吮。不上鴈蕩峯。何由寄高蹇。

哀鞏仲至

老衰哭無淚。行歎復坐嗟。荒涼鶴鳴村。尚友初萌芽。當時各年少。涉世迷驪駟。中天懸明月。爭欲伸手拏。朝語日再晷。夜談更五撾。君文蚤貴重。蜀錦載胡車。離離三千首。雅正排淫哇。石碑富規製。玉策垂芬葩。簡牘尤妙美。一字不可加。笑我自山野。悲君混泥沙。古稱騷人窮。留與後代誇。

仲至名世武義人。淳熙進士。呂氏公弟子。本真。有卷。誌。

王夔忠女孫著為閩中直判

昨誰寄音信已受南臺衙俄然被彈射翻燎北塢畚季也
守大玉千里畦稻麻請登小芙蓉萬仞凌煙霞茲遊隱者
事亦乃期屢差書來病良慰誓言指春華秉我烏白燭瀾
以蔣富茶那知是絕筆楊柳空白花頗疑魂氣升彷彿天
之涯多生註周易遙認草玄家

送王通判

左原冢孫產巴東山靈地秀兼長雄自小赤心天與通可
惜五十方治中北風吹沙暗中渡不啻吹君落南去水有
子魚山荔枝借我箸食前籌之

贈林秀才

乃翁掩親釀州里自云先世曾如此汝今謀葬無置錐況
有滿族喪纍纍春風未回萬山赤秋霜忽至凋寸碧鴟鳶
利觜魄凜然聞者應垂最後憐

送徐洞清秀才入道

利觜魄凜然聞者應垂最俊憐

送徐洞清秀才入道

方老昔爲儒仁義自愁煎
決策從道士擺落科場緣
神仙事茫昧良得日高眠
徐生嗣其風永謝負郭田
白襪已回施黃篋猶索錢
書籍棄塵案笙磬來釣天
看鏡胡獨難超俗諒非少
異花改林秀孤翮移漢矯
月華滿庭蕪闐沈霜宇峭
親交生離絕空歎真游杳

自羅浮行田宿華嚴寺

浮山昔飛至與羅合其巔
嚴冬樹色改青松耀紅鵑
不種自生植屢伐常蒼然
我病不暇耕行復觀我田
呼扶偃蹇後倩護龍鍾先
僮客四面集畦畦相勾連
敢云歲晏休翻犁趁晴暄
民政今古殊憂樂豈異源
收身臥荒刹朗月前夜圓
鵲懶附枝靜聽飢嗅牀穿
爲農悔不早時發棹歌旋

送鞏仲同

仲同名鞏仲至第博戲三年
道士官終同封郎

退思在長補于陽人

花溪初逢日苦短，橘洲重尋意更長。天催鶴鴿玉樓去，漱
流不並龍洲旁。春風忽高行旆起，酒盡何如添野水。古來
交契看老時，與公安得輕別離。

送林退思四川分司茶馬幹官

棄繻詆關吏，廣殿射高名。方從媚子引，豈料讒夫傾。京師
恩暮降，蜀道險朝升。執手郭西門，惻愴難爲情。有山擎空
雪，有谷匝底冰。鳥樂謾後噪，猿孤定先鳴。漢中王霸地，從
古鋒鏑爭。崩摧韓信壇，闕落張魯營。感子奮衣去，客猛意
自輕。笑我老何怯，萬里今橫行。

送周明叔王成叟併上昌甫仲止二兄

成叟自成身，明叔志明時。二士澗村下，飲醇棄糟醯。澗村
去綿邈，二士天所遺。琢琬而佩環，染夏爲裳衣。高岡無長
松，結根空兔絲。渚行枉又直，帆挂昂復低。飯彼章泉菽，羹

以南澗葵沐浴明月珠，鑿弄芙蓉旂兩邦。意氣合一唯萬

松結根空兔絲渚行枉又直帆挂昂復低飯被章泉菽蕡
以南澗葵沐浴明月珠簸弄芙蓉旂兩邦意氣合一唯萬
論微羌余抱茲獨安得往從之。

陳伯明建讀書堂於仙都巖蓋縉雲最勝特處市書
名田役大費巨當用衆力一家不能專也余爲作仙
都行以堅其成。

東萊龍川師道起一時話言猶在耳我輩勤苦常刳心後
生懶惰自迷已聞君相取黃帝鄉石簡中間穩上梁搜翹
索楚尋舊學關雎師摯聲洋洋書惟見多參互解食要良
田宜廣買俚翁有語人未知醬裏投鹽事終在君不見衡
廬嶽麓天與靈達士必垂千載名山高海深產奇物他年
古文屋壁出。

送龔叔虎

寺暗莓苔深歲潦雷電粗問胡旅窮舍鑽燧煮菜蕪答云

趙君得學季清亦嘉人
登紹興乙丑第當五仙居

張君名元忠山心弟子

自孩童蚤識竈下梧。逡巡四十載。翻著火上爐。今昔豈異能。聞見終殊途。德衰嗟教薄。筆退憐詞枯。何以充我求。往眾歸裝孤。子文如繡輦。子行如冰壺。世惟春華翫。爾用秋實舖。去從孔鸞翔。勿受斥鷃呼。

贈趙季清縣丞

多生有奇姿。名已在仙籍。朝遊風后館。暮返旌陽宅。五月涼如秋。照夜干將白。養之鋒銛餘。參魯柴亦愚。

趙成父築亭上饒。卽用東里舊圃。榜曰魚計。

秦僑洛寓隨南公。新條復欲無開封。亭名若有土斷法。鄭圃豈在章泉中。舊魚遙應化龍去。今魚且復波間住。人爲魚計魚未知。金樂莫忘昔日悲。

孔復君架樓貯書疏池累石花藥環列

老夫一編未得妙。頗以書多爲世笑。舊友從余不復疑。樓

老夫一編未得效願以書多爲世笑舊友從余不復疑樓

子重名任以書送其為松陽字

藏萬卷猶嫌少書中之理甚周徧可惜有眼何時見管葛
徧陋空礙塞周孔深微常運轉樓東兼水更兼山四時紅
翠交飛翻付與兒孫好門戶光芒應射斗牛間

○送蔡子重

憐子昔參江上僚前功如日鬢蕭蕭莫輕小縣深谷裏續
絲運軫琴方調薄冰未隨野梅結和風已催山杏發廋文
露巧眾術同一心之純天與通

許敬之用余言作松山草堂然游山之意猶未已也

申以爲箴

許子家住松山邊門開路闢登山巔千年茂樹不改葉百
尺甘井常流泉堂中悄然人境絕時有剝啄延臞仙天下
之山皆若此捨而外求徒喪已卑能藹高是爲謙高能生
明是爲賁芒鞋價長今安之撰屨欠伸吾老矣

送蔡子壽

彼友蔡氏子任也堪將相唯儔亦異材朗立萬人上吾嘗
扣其微事諳理亦暢雨露待堅成風波豈凋喪醯雞發淺
覆鹽虎背新搯侵尋墮老醜鬪茸屢監當繁霜生野色行
李正悽愴恐子復未平因書寄無恙

寄柳祕校

頗夔早謝葛亮辟少吃善著揚雄書籬風索索苦瓠晚山
雨重重甘菊疎今人相輕多匿笑古人自許堪同調咀芹
嚼藻泮有宮先生手提終化龍

魏華甫鶴山書院

蒼崖有頂我爲廬日君月妃崖下趨梳風洗兩耳目醒玉
帝詔許瞻宸居周公仲尼在左右勘點六籍開凡愚曾經
秦禍多散闕鄭箋毛傳悲紛如精神感通若親授損益殷

夏還其初憶君低回校天祿高論自遣陳言鋤況今卓絕

秦禍多散闕鄭箋毛傳悲紛如精神感通若親投損益股

夏還其初憶君低回校天祿高論自遣陳言鋤況今卓絕
離人境妙悟豈可常情拘飄零每疑夢魂到懍慌忽墮西
南書韓呂之相以類聚程張之師以道俱業調甘酸嗜秦
禽肯逐象罔迷玄珠分明憤發貫篇首端的鏤寫傳吾徒
乃知山中新所得慢簡閑編皆棄餘修林遠嶺秋映蔽濃
花近院春扶疎彫胡已饋豆邊靜黃獨未斲筐籃孤垂竿
桐江笑短弱負鼎莘野嫌豪粗岷峨崔嵬留後拒灑瀕突
兀催前驅莫嗔猿鶴不解事與民由之誠丈夫

寄李季章參政

袞袞入蜀者借公兄弟名每求歸載滿預屏去橐傾鷄飛
雖地控龍臥常天升惜哉坐時運久鬱時士情文章何崛
奇冬雷夏增冰德業又宏濟雉登應牛鳴已著鼎飪利不
共水火爭我窮未得死破釜斗粟營誤蒙兼金重自視一

季章名壁李穀仁甫子典
弟皇皆以文學知名

壽老名考御台州人從心
紫為文時官者曰

羽輕唯當刮老眼雲雨看施行

送陳壽老

天台鴈蕩車接軫青田又促半潮近冠巖帶壑無俗情秋
幹春蕙競時盡老窮望絕華軒過其誰幽尋穿薜蘿更抽
奇筆向雲射破的疊中千鴛鴦古今文人不多出元祐惟
四建安七性與天道亦得聞伊洛尋源未為失闖風招手
游太玄麻頭制尾中興年黃金鑄印肯輕佩定把堯舜陳
王前我家罄懸仰見斗簸君紅旗魑魅走密房炤短夜苦
長雪高冰深去無鄉

題鄭大惠詩卷

憶從草廬赴鄰炊澁雪攪筵糟涌糜要當醺酣活膚湊不
許雕刻妨肝脾何年兒孫錦褸裂金塗門扉玉為切吟中
得眼萬象通浪吹狂歌總休歇兩家至今住連牆讀書聞

鷓鴣夜相將經明先入韋平室句好還升李杜堂

名之宜小陰人山心高弟傳
百學記言者

鷄夜相將經明先入韋平室句好還升李杜堂

送孫偉夫

我友晞顏人造道最勇決智校一驛敏書贏萬籤閱吐詞
春嶽麗景行寒泉潔良工制瑚簋本爲郊廟設便留刊字
正稍上裨袞闕遠尋豐城劍虛負厯山月發嫌梅柳催到
恨桃杏歇親年過八袞輿致經九折紙迷版簿內稅役半
緣絕云此新進士銓限凜難越廳荒茅壓頂饌惡芹縮舌
哿矣無情游自傷垂老別

端午思遠樓小集

憑高難爲觀樓居勢盡傾思遠地不遠空復生遐情上惟
山遶圍下惟溪環縈此實擅清境豈以曠朗名土俗喜操
楫五月飛駭鯨鼓聲沈沈來起走如狂醒不知逐臣悲但
恃勇氣盈衰翁繭帳臥南風吹作稜

孔鍊士話龍虎山之勝於其行因以送之

羣嶂倚天傍四環中峰受拱低伏蹲雲錦交流紫團外卻
注彭蠡如傾奔道陵已去丹竈冷今代符行妖鬼靜孔師
何事亦逃儒爲愛冰林雪蒙頂我居無山冬不雪只受虛
空滿輪月子能作意肯重來更待牆東筭堪掘

會昌觀小集呈坐上諸文友

茲邦異氣候十月陽屢暴清霜云幾何累日困祥燠病羸
諳冷暖衣履迷單複上印自懸車來諗蒙擊轂東池屬草
創斤斧聲未縮野蔓翳前庭中函數株菊呼鋤不受柄善
惡憂兩覆賓筵煨苦蕒憐我歲不熟諸豪藹時彥靈美競
龜玉學山留一塵到海空百瀆慙無歌舞伴漫有鍼石勗
意闌各東西微月耿疏木

送胡衍道

新道在胡家禮博之子當
知永嘉

庭松雪外青檻梅冰裏白正堪頻把翫何忍驟離折我老

庭松雪外青檻梅冰裏白正堪頻把翫何忍驟離折我老
如蛻蟬隨葉飄重泉欣君整佩出直上穹穹天卓茂冠天
下王祥歌海沂奉璋承大禧籲俊廸深知情胡萬難齊理
或一未貫中道不及伸偏質徒受亂同人當同羣不止同
其門眾金鑪韜合一匠采梅分惜民當惜農不止惜其備
客主兩無怨政刑會時雍三年心所親臨別語甚的已去
寧再逢懷哉展其力

送呂子陽自永康攜所解老子訪余留未久其家報
以細民艱食急歸發廩賑之

收纓古蜜浦抱袂生薑門九九書自註邀余綴篇端久衰
余學廢彌隱子道尊時維冬雷數雲雪常晝昏火把起夜
色丁鞵明齒痕小邦肥豸闕鰕蛤濫充盤椒橙失滋味糝
絮勞傾吞詰朝報家問剪書徵阿孫苦陳鄉人饑采蕨啖

其根倉封井花滿淘米安得渾覓翁如覓父願假東飛翰
念之不遑處喟焉整歸鞍我老澹百慮身世兩莫存欲私
一壠潤豈救大地乾西城柳搖搖北寺江漫漫勿令嗟來
死以慰行路難

送葉任道教授之官靜江

太學奏文夸第一國子先生裏行立嶺南梅花太枯澁花
豈喚人人底急爐亭雪深叫孤鴻傳書爲翹明光宮雲翻
雨覆古來有不如堂堂金石守

送趙季清兼謝所惠詩

纍珠貫冰絲耿光發沈淵二千八百字字字合管絃想攢
風前眉應聳雪後肩又言謫匡山五老煙霞鮮著書滿破
篋官穴鹽未煎少遲了上信別用綵繩聯

送陳漫翁

坐立澤老龜蒙蟬臥絲自裏君從蓮葉畔親領未後語憐我

笠澤老龜蒙。蝸臥絲自裹。君從蓮葉畔。親領末後語。憐我
未得聞。獨繭授長緒。因茲服英悟。郁郁副奇許。士於淪胥
中。搏手架欄柱。一瓦不漂零。百世保風雨。轉圜信無難。滅
木猶有懼。高翔要深泳。厚積堪重負。狂波浸三伏。回壑萬
流阻。旅情方夷。猶霽色待舒吐。樵峰濃黑散。蓼岸微紅聚。
進舟石門灘。小泊看佳處。

送戴漢老

隱侯之郡成公宅。辭流屈注回理窟。前輩淵騫晚凋謝。後
進由求蚤超絕。聖朝論士皆公卿。千乘何足留高名。春風
無痕萬情化。盡付雙溪舞雩下。

孫祖佑解元世友堂

雀尋屋角穿。燕繞簾櫳窺。共賀新宇就。生物欣有依。含德
厚。乃祖義完嗟。利隳最憐常。孰令櫝韞不盡施。溫恭化羣

按會稽續志孫祖佑傳引此
詩并中口跋語云雪齋孫石朋居
後地燭向上步笑樂道終身不
願仕有友人之許三子夜巾慈
符庭時請以之學知名又牙相

愛弄衣亭衣屋角上約懸時
官上印武軍直刺懸符之子
祖祐詩詩祖德崇輯此嘉
定甲戌為於室名曰此友在
合饒同室相亦不替將清金
記之此詩心略具矣

從遜悌流深規一絲必同袍粒黍無異炊感零天上露潤
狹園中葵魚鱗雖芳鮮不如此菜肥涼風送佳音桂林自
生枝借子赤霄羽登君文石墀樸斲吁已勤龔密審所宜
諒為前峰近長映客星垂

孫遜時傳附刻此詩此句下注云君家別筆 似嚴子陵 卷也

丁氏東嶼書房

朝納櫺上光千帙亂抽翻夜挑牕下明一字究本源舊師
蚤傳習新友晚聞見隣里疎聚頭江海勤會面勿愛好鳥
羽勿玩芳樹林書亦且置之獨自觀此心茫茫未生前寂
寂已死後萬變隨雲浮朗月住中殼何物粲陳列所從定
何時孔顏雖去遠聞道命如絲白屋無怨難朱門不驕易
每留先人樸不忝素士志鴈蕩襲長麓南北峙兩門委和
被多稼永祚延餘昆紅綠修岸容冰雪淨空界蕙轉蘭亦
回誰賦書房外

端午行

端午行

仙門諸水會流下瓦窰溝中有弔湘客西城南北樓旗翻
稻花風棹澁梅子雨夜邏無騷音絳紗蒙首去

○ 虎長老修雙峰

九州大麓標山經早與天地同垂名雁蕩初傳晚唐世掩
抑眾嶽夸神靈豈非龍伯所播遷海水枯竭久乃成窮鏤
石怪呈萬巧宛取物似羅千形陰湫陽嶺何恍惚紫光碧
燄長磨縈夜隨玉喬玉簫發曉咎矩那金磬清聞者未到
意已傾往往夢想驅風霆胡僧猶嫌憩寂寞便房曲檻頻
招迎強扶墜閣接雲漢卻補壞壁回丹青來車去馬謾孔
總亭主自住誰爲情

○ 毛希元隱居廬山臥龍瀑

毛子罵吳曦蜀山眇孤墳五老急招聘延留如大賓龍分

自眠地蕙帳饒珠蠟巖花開恨晚谷鳥鳴先春弔古一沈
思千載多逸民登高一長望萬里皆積雲子勇書印麻憂
憤著彌綸曷不草露布從容靜風塵低頭汲澗曲煮豆其
爲薪沮溺上之恥昔賢終賤貧

趙振文在城北廂兩月無日不游馬塍作歌美之請
知振文者同賦

馬塍東西花百里錦雲繡霧參差起長安大車喧廣陌問
以馬塍云未識醪醕縛籬金沙牆薜荔樓閣山茶房高花
何啻千金直著價不到宜深藏青鞋翩翩烏鶴袖嚴勞引
首金蔕後隨園摘藁煎凍酥小分移牀獻春酒陳通苗傅
昔弄兵此地寂寞狐狸行聖人有道賁草木我輩栽花樂
太平知君已於茗水住盡日鶻聲搖上渚無際滄波蓼自
分有情碧落鷗偏聚追逐風光天漫許拋擲身世人應怒

君不見南宮載寶回何如趙子穿花去

君不見南宮載寶回何如趙子穿花去

周純臣子去病淑慧而短折賦以哀之

周子百未遇有兒慰眼前敢誇材調別自喜稟賦全共守
過老蒼其行通變權共看成蚤歲何意天初年汝昔透胞
絡衝風著筋攣和丹和乳燠煨附加鹽煎所投烈藥盡始
獲奇疴痊隨和絕代寶氣命百分憐問汝今何之幻影來
無緣不許爺執捉壞滅同埃煙此悲信無益此愛倍難捐
不見趙幾道泣淚迸幽泉不見孟良甫叫吻聒穹天汝爺
自爲銘志欲金石傳兼求我詩去刻在墓門邊

送盧簡夫

子昔葦間從我遊未曾一語相報酬文杏將非廟廊具澗
蘋況是王公羞子今歛往西湖上靈雨絲雲供筆仗深思
直道佐明君蟄雷震空天下聞

贈祈雨妙闍黎

雨慳水溢從季秋，倏忽春半河斷流。有僧了妙能禱祈，直云天闕非人求。朝誦呪夜安禪，十陰九暗來纖纖。呪光禪寂轉相發，潤澤徐乃通幽潛。我老拜請良獨難，香煙鬱薄重霄間。旁搜潭洞攬龍蟄，鞭雷走電開天關。天意豈令一犁緩，人心正待百渠滿。補天不及人未知，禪心況寂嗟爾爲。

寄題朝宗新樓

昔時朝宗友尙草創，憶子諸父勤磨礪。春臺自令車馬絕，桂樹未厭鈴旗重。侵雲切月絳一炬，擁坐排簷青幾峰。莫云空洞豈無物，讀徧五車江水東。

和汪提刑祈雨

感格誰如汪仲舉，步虛未了龍來語。會稽秦望都洗清，越

尚書卷行之

人喚作提刑。雨我慙老情。無精勤累月。喚龍龍不聞。水南早禾貪結實。一夕爛死爲泥塵。

○ 蔡尙書挽詞二首

總角都鰲頭。老生甘伏膺。白首參豹尾。後出夸先登。東流看到海。北風忽成冰。茫茫落簷花。窮巷猶短檠。撥沙得黃金。百鍊寫光影。飛行日月上。瑩徹肝膽醒。空山慘馬鬣。何意重爲鑛。余哀不浪施。留寄長夜炯。

○ 題處州翔峰閣

九盤在州中。萬山來四遠。納於牀第近。尋丈未爲褊。日光旣熙麗。風氣亦清展。悠然不離席。所得甚宏闡。隱峰招伏岫。騰躍俱赴眼。下視田中禾。藁粒猶可見。臨觀要親切。亦復貴眇緬。峽山絲線窄。嶽極瀛海眩。君看齊雲上。往往無際限。何當躡蓬萊。一汎五湖淺。

讀王德甫文卷因送省試

曹頭文之病。敖脚最所患。軒其奮勇果。塌復墮衰懦。伊人
殆天力。卓地挺修幹。歟入巖雲幽。倏出星極爛。儼如姑射
女。娣姒俱整粲。皎如珊瑚樹。塵垢拭杯案。昔夸新龍首。伏
呂較蚤晏。又推舊菑川。耄老終佐漢。況今未六十。急用豈
爲晚。行當奏苦疏。朗壓諸儒冠。

王宗卿答春堂

春以喻母慈。慈深春不如。兒欲答母恩。恩重答無餘。華堂
頓有雲嶺隔。夢裏分明與親劇。阿連進奉新批勅。翠裘黃
簡緣兄得。朝騰異章乞。祠官願身暮。歸怡母顏老。農邀君
勿輕去。萬紅千紫扶春住。兩田自種晴田收。好是天留答
春處。

送葉路分

銘賦猶聞鳴琴十指如玉無哀音應憐聽者未洗耳衡

送葉路分
猗猗獠啣。聞鳴琴十指如玉。無哀音。應憐聽者未洗耳。衡
山高兮湘水深。君今幅巾鵝鷺行。切勿著帶。貔虎傍軟荷。
刺少離棹短。拆桐花多班露長。

○ 答李制置

鼓槌恨不投淮流。復傳侯摯能狡謀。西州臥龍出長算。朝
汎清洛暮營丘。禹跡芒芒草萊遠。實邊正在耕耘滿。中庭
雅歌自有節。豈效夷聲催煞袞。北平漸車淖不通。白檀可
越時未同待。公刻就燕然頌。我亦嚴駕期無終。

○ 林叔和見訪道舊感歎因以爲贈

與予異州壤。取友四十年。狂心蚤探索。出語乾道前。向來
朱建安。拊手笑淵源。小心承父昆。刻意晞回騫。不求壘斷
登有路。直如絃。計其所不爲。敵富逾百千。衆駿跨險遠。獨
鵠超眇綿。謂當共驂服。可以爭聯翩。誰知竟大謬。寸影孤

雲邊南省無姓名。俛眉自愁煎家蔬。僅掩豆野蝗來蔽天。
過我城西隅。相視各華顛。寒菊已收花。枯井未回泉。人生
寓地上。蟻垤交折旋。中間較得失。區區等浮煙。喜君佳兒
姪。放筆追奔川。許身若臥龍。斬蛟透重淵。所虞氣力豪。未
受規矩鑄。過翁非止肖。奕世始稱賢。從今掩蓬華。同賦歸
來篇。

上灘

篙師上灘時。面作石皤樣。及其進尺寸。乃在一偃仰。神禹
不到地。狂流終播蕩。逆順本天力。人謀不相讓。苦戰排三
軍。勢壓票姚將。身在亂石中。傾覆堪指掌。誰云荷天衢。鼠
徑斷還往。

五言律詩

高宗皇帝挽詞二首

山谷題石恪畫常醜侑石恪
常味西百摺注宋景文筆記
蜀人謂若口嗜取嗜黃髮
之義一本作嗜必在嗜之誤也

何止超前代。功隆道更尊。幾同造區夏。遠復外乾坤。黃屋

何止超前代。功隆道更尊。幾同造區夏。還復外乾坤。黃屋
堯年度。青山禹穴昏。遺民猶望幸。淚血灑中原。

河濟初開府。江淮晚視師。續戎由子聖。永命獨天知。鶴唳
空虛警。雲生仗自移。

厭代之夕。都下相傳。有綵雲翔鶴之異。

上哀何以稱。卒

代繼周時。

○孝宗皇帝挽詞二首

儉德加文景。雄才自武宣。道終遺萬乘。喪已盡三年。暫乞
狂胡命。常持復漢權。全將一孝字。高謚百王前。

昔年叨上殿。歎息動宸襟。豈不人思奮。其如天意深。帝王
猶遇合。南北限升沈。尚有登遐日。諸軍特賜金。

○吉州刺史蔡直之挽詞二首

頌閣號親貴。光宗始用儒。諒惟醫國手。果驗活人書。負郭
可稅駕。行田宜蹇驢。相看滿川月。無計遣長鬚。

能事實偉甚謙終猶罕聞忘身賓出日斂手避浮雲天欲
消胡運人誰靖楚氛未刊千字誅長掩一丘墳

陽復

陽復冰潛動雲衰日更明近傳新詔綽重起舊簪纓斗極
回東指軍容直北營龍蛇多變化旋日看超昇

送鄭丈赴建寧五首

過家鄉里敬將母士夫榮得失從人論行藏獨自明百年
中古少一笑萬金輕廉士吾何敢新茶可擷英

有志須身健關心在歲寒一時諸老盡多見大名難湖海
方連旱甌閩適少寬爲州人不乏千萬強加餐

清廟圖書寶熙朝雅頌音頻繁三節召在萬二毛侵衣飯
家纔足上圍意亦深臥聽牀下土時作武侯吟

海內言華萼功名動搢紳十年長隱吏一語必驚人酒量

新來減交情老更親
公餘如促膝剩把古書陳
屏棄誠愚分牢愁更索居
若逢知己問猶解課兒書
地僻門長閉年饑菜自鋤
相望無一事不是故情疎

○ 哭鄭丈四首

道義秦城重聲名冀馬空
河汾談聖制鄒魯振儒風
有學堪經世無官可效忠
浮雲公豈計吾道自憐窮
誰謂居今世無由見古人
事親曾閔上遊世葛懷民
德盛天爲侶慈薰物與春
清風如尙想猶足洗囂塵
插架軸三萬撐腸卷五千
京都通百郡溟渤匯羣川
深淺人隨汲東西意各便
後生無復見媚學謾蹉蹉
憶在諸生列曾窺太史書
泉蒙煩濬達槁質費吹噓
外宅寧成相生芻早弔問
臨風兩行淚愁絕向輜車

○ 何參政挽歌三首

退食勤稽古。當朝動引經。人心喜偏側。國脈要勻亭。二府
早聞政。三孤晚告靈。羔裘惜光彩。不肯到頭廳。
晞髮滄浪上。灘聲近廣騷。綠圍齊長柳。紅糝半含桃。欲寡
堪增壽。閑多更養高。佳哉鳳凰壠。悲甚付烏號。
宿昔叨殊眷。尋常款直廬。聽雞催謁駕。立馬待紬書。零落
誰存者。追尋昨夢餘。何曾嗔石介。韓愈自狂疎。

送陳糧料

萬里渥洼出行天。絕比倫能參大關鍵。莫用小精神。鍾鼎
身雖貴。簞瓢道未貧。梅情兼雪意。留住恰芳春。

題費肅校書遺事

欲識隱居者。當年費懿恭。卻辭金馬直。歸臥錫山峰。兩詔
終不起。一瓢長自從。兒孫盡登第。勿翦舊栽松。

送鄧諫從制幹

諫從字之師。淳熙人。二江九子之一。
見宋元學案七十一。又廣通判蔡
州。見周益公集。

援引亦未力。聲名空復傳。終攜太平策。還上蜀江船。帆色

援引亦未力。聲名空復傳。終攜太平策。還上蜀江船。帆色挂曉月。鰲音穿夕煙。滄浪不盡興。收拾浣花邊。

題柳山人壁二首

水北柳六一。家傳擲卦靈。秋清演漁曲。春近著牛經。掩肆花竹秀。排門柑橘馨。應憐喜功者。虛要峴山銘。
我病屢移卜。山人不面謾。常言千日厄。未許一朝安。地上庸醫滿。天邊惡曜攢。歸根與復命。自笑此何難。

致政通直錢公挽歌詞

蕭瑟梅花壠。豪華不復還。好兒須萬石。廣厦剩千間。盡與詩書癖。勿令紈綺攀。傳家自翁始。留筆紀池山。

亡友項子謙兄挽歌詞

疇昔省君病。小車隨酒壺。心惺賞文句。語蹇困暗鳴。念子堪垂泣。纍然失壯圖。唯應看幼子。空手縛於菟。

待制中書舍人陳公之亡以山宅須利既遷殯而未
葬也後五月乃克葬焉二首

可怕陰陽惡還驚日月適終成埋璧去不作坐禪留雨洗
一簞淨風翻千橘愁門前繫船檝宿鳥漫啁啾
嗟我與公同澹泊一生一死又淒涼經綸傳世止於此老
病著身行自當挂壁斷弦從別調拂天野水渡新航暮春
未有風雪伴且閣遺編住冢傍

西山

對面吳橋港西山第一家有林皆橘樹無水不荷花竹下
晴垂釣松間雨試茶更瞻東挂綵空翠雜朝霞

看柑

窈窕隨塘曲酸甜在橘中所欣黃一半相逐樹無窮習啖
成真性悲歌記土風慙非美人贈採摘恣村童

贈杜幼高

杜子五兄弟詞林俱上頭規模古樂府接續後春秋奇崛
令誰賞羈縲浪自愁故園如鏡水日日抱村流

待制湯公挽詞

縑藉知良玉齏鹽是大儒單傳合上相小卻但尙書蠹簡
同歸處遺簪任翳如西風好溪雨漲淚溼塗芻

吳參議挽歌詞

冉冉試百巧栖栖終一丘死期甘慟哭時事不勝憂貧只
藏書在恩將別業酬看君用意絕身後令名留

沖佑大夫鮑公挽詞

幽人眇何在高閣鎖重關梅冷橋邊月菊殘籬外山可憐
清絕地長憶笑談間寂寞私鹽港漁樵自往還

雪後思遠樓曉望

臘盡凍初合。風花江欲平。急從高處賞。已向歲前晴。莫與鬢爭白。試將身比清。樓頭接遠岫。歷歷正分明。

宿覺菴

宿覺口未謝殘山。今尙存。暫開雲外宅。不閉雨中門。麥熟僧常餓。茶枯客謾吞。荒涼自有趣。衰病遣誰言。

贈勝上人

近日能吟者。黃巖說勝師。語生兼老筆。體重帶幽姿。遺臘冰千筋。勾春柳一絲。方山最高頂。不擬到茅茨。

朱文昭母楊氏挽詞

文昭有賢母。白首教篇章。義並三遷峻。書成百卷長。古今歸石室。筆削紀萱堂。鹿擾烏馴處。森森宰樹蒼。

冲佑安撫郎中張公挽詞

誰憐張太守。思職更憂邊。濠水中間月。光山盡處天。人應

迷往事我獨採遺編。莽莽乾坤裏，冥冥知想慨然。

縣尉林公挽詞

恨取一官晚，公人未展衙。空傳讀書苦，留與後生誇。有子聯三俊，成名王兩家。會須酬貴骨，野燎報宣麻。

陳侍郎挽詞

生死悲懽地，長嗟付短吟。北門晨鵲趁，西甸晚鴉尋。三品官名重，千年墓色新。廣東正思憶，淚激海潮音。

太令人胡氏挽詞

已刻溪西誌，潛然淚滿祛。朝喪嫌後侈，參養要前餘。甫里送錦纜，館頭迎布車。爲題楓葉往，蟲籟不成書。

題張提舉園

竹外萬雲合，荷心一雁來。若無歌舞鬧，應有鬼神猜。野岸鋤難遍，幽根煖易栽。前山未放入，好閣更南開。

子靜在端朝永嘉人

送謝希孟

白頭趨幕府，早已負平生。未放鵬舒翼，應煩驥斂程。驛梅催凍藥，柁雨送春聲。爲語常平使，開懷待子荆。

送周子靜

地深湘渚浪，天遠桂陽城。故里楸花別，諸生柳絮迎。一夔開跡後，六舞待時行。子自調新律，吾衰閱舊聲。

林處士挽詞

尙平接馬弟，髣髴記前身。海闊元隨浪，山高別領春。難招古渡外，空老夕陽濱。順性無生滅，君應了正因。

錢知縣挽詞

送子三爲邑，十年嗟往來。誰言債難了，不與命同回。卓魯終留愛，龔黃豈蔽材。雲愁旦暮雪，雪打又添哀。

送潘景參

久自知潘令，曾經曾薦。衡岳居慚薄，氣力何以助聲名。松柏

久自知潘令經曾薦。爾衡居慚薄氣力。何以助聲名。松柏非無歲。鹽梅會有羹。又從沙際別。把酒候潮生。

贈徐靈淵

歐虞兼褚薛。事遠跡爲塵。今日觀來翰。如親見古人。盡歸嚴號令。富有活精神。碑板荒唐久。過看走四鄰。

戴肖望挽詞

巖巖蕭太傅。蹇蹇鄭尙書。可惜流光晚。翻無急詔除。交情梅蘂盡。哀意柳芽疎。只有安江滿。長涵夜月虛。

老失平生友。悲尋路轉迷。水肥應返釣。田瘦合歸犁。草與地蕭瑟。雲垂天慘淒。無因再商畧。短日送寒鷄。

徐靈淵挽詞

自卜西南宅。始聞幽賞多。山供映門樹。水獻捲簾荷。近局碁頻賭。隣筍酒屢歌。誰云祕此樂。拋擲與流梭。

包顛叟挽詞二首

風沙江上宅，斥鹵望中村。
密竹元遮徑，崇蘭早映門。
笑談看磊落，材力可騰掀。
誰復知心事，滄波霧雨昏。
養志諸郎事，專經永夜殘。
雖云綠衫易，更覺綵衣難。
客散碁奩閉，庭虛酒盞乾。
無言慰孤苦，持此問漫漫。

林敬之挽詞

雜還新河市，酸寒處士廬。
甘辭魯穆饋，獨著孟軻書。
籬壞從兒補，禾荒付客鋤。
永嘉新有志，莫遣姓名疎。

王運使挽詞

種虜昔逾塞，三邊各受師。
共傳君善守，能護國西陲。
卿秩恩雖早，郎班詔已遲。
須將未盡賞，酬折在豐碑。

薛子舒罷官久無所授端明得謝始換承務郎

男子行藏地，自求難問天。
空多賈誼學，突過馬周年。
願改

京官後常趨黼辰前太平如致了別造會昌船

贈呂縣丞

自得長官後邑人詩轉工批書月屢滿覓薦歲常空柳已
如藍碧桃元勝錦紅終歸剡溪上舉棹謝東風

詹魯山解元以壽母求詩

九十人稀有追懽盡橐金猶嫌兒舞拙不怕酒行深寄鮓
未垂訓設鷄先賞音維舟橘花晚霧雨暝前林

贈蔡茂材貫之子與

蔡家五千卷藏向石菴中講誦今幾日飄零隨隕風隔垣
孤響度別井暗泉通安得無爻象與將吾道東

余知府挽詞二首

壽者福之首中兼典郡來聖知天上事磨盡世間材此際
靈龜往何方化鶴回所親都不恨有識自興哀

憐我抱空意鬢間饒白絲已從真率集那復少年時柳糝
春前葉松鏤雪後枝建炎無故老難話省方悲

趙知縣挽詞

僧館經年學書籤盡日抽空聞割鷄笑不見化鳧留瘴月
曉還落蠻雲冷未收西華夜來雨淨洗一生愁

趙清叔挽詞

昔我共筆硯知君賢弟昆門邀百客醉囊諱一金存忽與
鐘聲盡長悲磬色昏多年趙家府銷滅惠王孫

贈聽聲歐陽承務

無心立臧否有術驗榮哀舉世聲中動浮生骨帶來彈輕
知福地欵小應靈臺笑我老何及是身惟死灰

送包通判兼寄滕季度

風雨逍遙地衙排印麓新鈿車分路闊寶瑟聽歌頻燈市

曉侵月花田晚占春邨過張翰宅方信有閑人

此詩通師等相國師
平

曉侵月花田晚占春却過張翰宅方信有閑人

○ 趙尙書挽詞二首

材業將時偶聲名鬪寵新文昌留不住大尹政通神力說
和戎好從撩相國嗔春花插秋鬢還得自由身
江北江南曲吟高許和同相迎黃篋浪失笑白蘋風老病
猶貪活漂零各隕空長懷洞庭橘買宅傍牆東

周宗夷東山堂

城嶂標辰極誰家特有山偏憐東嶮好只對北堂閑動石
低簷住流鶯拂檻還仙關鎖瓊海幽夢或時攀

丘安人挽詩

左司遺事遠介婦古風存業廣添新宅儒多起舊門真亭
留壽影雲物護山原我欲攀車別衰殘阻故園

題郭希呂劉詠道游雁蕩詩後

隱劉甘隱淪老郭亦離羣
自鎖魚亭月同穿雁蕩雲排峰
造龍質懸水迸簾紋百種聚
奇怪從君句裏分

送戴宣子

為愛千竿玉垂陰似古城
弟兄俱挺立文獻各標名
握粟親年晚浮家越浪輕
相期早得意還伴此君清

題仰孝廉事實後

孝子久傳名誠通物表靈
當年虎失猛此日竹還青
墓墾無留菽庭荒枕舊廳
惟存古題誌寶惜勝如經

贈盧次夔

家住東郊深能詩人共尋
冰梭間道錦玉軫斷文琴
城漏宵添滴牕花晝減陰
新涼白頭句清甚費悲吟

送趙幾道邵武司戶

無灘秋水平有句官曹清
楊柳欲落盡菊花愁晚生
書多

孝廉名新所著人巧媿集有
書仰孝子事實後一稿以盧
字亦當仰子

次夔即盧蒲江祖孫永嘉
人

幾道在由回永嘉人

前益智文古後垂名功到闕深處天教勤苦成

前益智文古後垂名功到闕深處天教勤苦成

常德郎中林公挽詞

結佩聲名遠懷沙興託深惜無長綆繫終使夕陽沈蘭省
空頻召桃源不再尋雖傷有北毀難減是南金

贈鄭秀才

文苦意尤切色低聲轉微三生住淺土一竈阻深歸藝圃
筆鋒掃侯門塵柄揮何慚素車集回繞絳旌飛

贈李秀才順之

怒漲爭茅竹安流節斗門行苗存水則縮板護河源士李
昔陳義守奚能聽言便當生廟食禾熟賽鷄豚

送侯居父

宅古竹陰晚書殘燈焰稀深知靜者趣轉益宦情微別殿
行催甲休工坐掩扉御前清切地重得薦皇闈

守奚謂奚士遜嘉泰間以
議大夫知温州以有治水利
自秀才養之而奚守因其言也

存石室台州人其父名應問
少志遠氣文見二十三

贈高竹有外姪

娶女已爲客。參翁又別行。相隨小書卷。開讀短燈檠。野影
晨迷樹。天文夜照城。須將遠遊什。題寄老夫評。

贈夏肯甫

自識賢尊熟。常將遠到期。忽傳千古信。虛抱一生疑。恨菊
來何久。愁梅去轉遲。應留起春蟄。詞落未堪悲。

趙知府母齊安郡太夫人挽詩

生死已無憾。杭人休淚傾。惟留不盡德。常動故鄉情。霜淨
水方落。風高山轉清。閑思與合子。幕府再同盟。

沈氏書堂

應與石渠並。又疑金匱存。曬書天象切。浴硯海光翻。我老
行罷讀。君材重細論。猶言無一字。大道始歸根。

薛子舒墓

悵悵西門路。樵歌占晚雲。憐迷迷玉藕。宅蒿長。子孟郊墳少病。

悒悒西門路樵歌占晚雲
憐醫錯題書與父分
又言重把筆兼欲使余聞

項君先有幽興堂其子木卽以名菴

平生意外事身後有誰知
魄靜雲稀出神游月共移
春茶翠旗展霜荔錦擔垂
更欲添幽興惟消桂幾枝

施翔父掌教長沙

著蔡羲前識簫韶舜後音
追回賈誼貶喚起屈原沈
汀煙闊梅花署雪深
余行陳迹久因子一微吟

送劉幾道惠安尉

少年嘗苦節從我北城隈
麗日明文苑繁星讓斗魁
垂垂綵綬晚冉冉白絲催
更莫游仙去鯨波奏凱回

送陳約甫知永豐

四十未朝蹟三經綰縣章
嫁頻知子熟醫老悟身嘗
菊趁

行時色梅催到日香還欣肺氣減中熱變爲涼

王祕監令人挽詩

頗憶朝除禫俄驚夜徹帷自堪從子住何用與夫歸起隧
新藤苗重輦宿茵排通家只今盡老淚逐風揮

奉送周知錄木叔祕監其舅也

謝傳悵何遠牟甥良自嘉帝鄉沈迹顯固戶眾縲誇釣冷
客星雪林疎處士花衰年怕分手閑發岸頭沙

葉路分居思堂

葉媪開新學同人飯野蔬明經傳一相考古付三餘苔色
迷青簡蟲文蝕素書君能葺遺址堂宇勝於初
苦說諸梁後簪纓富遠孫白袍雖屢捷黃榜未霑恩淡沱
磨冰硯蕭條倚帳門嗟余忝宗末老病不堪論

葉文翁再薦不中第駐兵永嘉暇日必從予游博聞善

論而恂恂眾人中無異寒士初衛國夫人黃氏君之五

葉文翁再薦木中第駐兵永嘉暇日必從子游博聞善
論而恂恂衆人中無異寒士初衛國夫人黃氏君之五
世妣丞相顓高祖也少而養居建義學以教後進丞相
既貴以爲夫人之報焉君因義學故基作居思堂請予
賦之嘉定十四年六月

王通判挽詩

祖德風規近詩流句法超已多山邑政恰少省郎招旅館
身俱寂傳家道未消長令漢楊震名逐左原標

林簽判挽詩

作邑有何好利民翻害身怕回湘水月驚失象臺春墓草
已多碧園花空復新更嫌鶯自語幽憤不勝陳

送張知錄

門闕飛龍後家聲入館前身饒太常第客欠廣文羶流落
無先譽遭逢有宿緣炎洲路多少謾數去鴻邊

燕去春歸... 門開... 影... 日... 中... 長... 脈... 王... 湖... 出...

門開... 影... 日... 中... 長... 脈... 王... 湖... 出...

影... 日... 中... 長... 脈... 王... 湖... 出...

日... 中... 長... 脈... 王... 湖... 出...

中... 長... 脈... 王... 湖... 出...

長... 脈... 王... 湖... 出...

脈... 王... 湖... 出...

王... 湖... 出...

湖... 出...

出...

出...

出...

出...

水心先生文集卷之七

是... 人...

水心先生文集卷之八

水心先生文集卷之八

律詩

○送鄧景望二首

兩地旌旗一閩中。十年監牧九卿崇。安輿遍就東南養。遺俗將陶雅頌功。愛護元身如寶玉。節宣時序戒螟螣。遙知獨上干山路。處處梅花逐煖風。

江左諸賢盡凋落。邇來名字未深知。願公年德加前輩。救世勲庸莫後時。國重四維人建立。天還一統道藩籬。彌綸康濟何曾極。自古忠臣不遠期。

曾晦之挽詞

交游盛處失駢駢。筆硯窮時縮碧藍。驥老尙能舒駿逸。龜潛終不慕芳甘。壽過八十人人羨。恩在鄉閭事事談。埋沒平生無限意。夜深樵唱起溪南。

次韻喻叔奇九日

遶湖秋色去茫茫塔立峯端表自強因上峇峩覽吳越遂
從開闢數羲皇暖風駐帽嚴公會早閨勾花絆客觴閑卻
陶潛玩幽獨可憐車馬共誰忙

中洲處士折梅花并新語爲贈率易鄙句爲謝

中洲之中十樹梅蟠枝著地照蒿萊卽非無主憑誰伴自
不衝寒要早開午蝶只隨游子意暮笳難寫遜夫哀幽懷
寂寂天應笑插向歸帆雪滿桅

送劉德修時在京口

日日秋風江倒回江邊執手重悠哉兩山只欲當中住一
舸還應卻下來說與蛟龍息豪怒亦令鷗鷺少嫌猜吳頭
楚尾何時極黏就前詩併展開

送范文叔知彭州

君今結束歸何勇我獨棲遲去不能江水入冬猶浩蕩風

君今結束歸何勇。我獨棲遲去不能。江水入冬猶浩蕩。風帆逼歲合騫騰。相逢論事信徒爾。清坐矢志心嗟未曾想得。彭州退公後。夜窻重整照書燈。

送潘德久

每攜瘦竹身長隱。忽引文藤令煩嚴。聞道將軍如卻縠。不妨幕府有陶潛。江當闊處水新漲。看到極頭花倍添。未有羽書吟自好。全提白下入詩奩。

樓參政挽詞

外補何多只近州。却於中禁賸淹留。晚參國論非無樂。苦說時難更有愁。天下知心古來少。人間此夢覺應休。自嗟不識鄞江路。清淚因公寄海流。

無相寺道中

傍水人家柳十餘。靠山亭子菊千株。竹鷄露啄堪幽伴。蘆

蕞風乾待歲除與僕抱樵趨絕澗隨僧尋磬禮精廬不知
身外誰爲主更覺求名計轉疎

趙路分挽詞

平生王孫忘太康承家孝友更溫良鴻冥鵠舉須言命桂
死蘭摧不斷香古有失時堪恨惜從今虧處取酬償佳城
沉遇朱公子大旆高牙屬令郎

陳益謙挽詞

余與益謙居相望疇昔雅相揖而已益謙死其子以書
求哀挽言君之材與學皆余所未知也訊之王成叟信
然乃爲作此詩

舍南巷北水同流稻菽參差各自謀不料多材能轉物更
憐無地與伸頭蛛絲委架詩書愠鷺羽空陂茵菖愁好在
夜深明月滿人間地下兩悠悠

日抄六十八摘蛛絲聯云此明
言益謙不讀書而冒僧衣冠
不得已乃作詩

寄呂巽伯換酒亭

琅琊初址未完牢。猶倚虛名用我曹。自可全將醒前了。何
因偏向醉中逃。艱危未肯當時共。誕逸空傳後代高。還有
遠孫留墓側。繞亭寒葉夜騷騷。

併工

併工催作趁春前。又值春歸一莞然。新筍頓能長數尺。晚
花寬與待明年。回廊寂寂爲苔地。後塔陰陰造雨天。坐睡
不驚還自覺。鬢鬚將老到衰邊。

菊花開送徐靈淵

白頭幾度逢重九。方是今年種菊花。衰病自憐何處看。馨
香聊向小園誇。討論搖落生光怪。暖熱風霜與麗華。正好
行吟君已去。別移秋色付誰家。

次韻韓仲止

塞戶低眠畏北風。詩來喚起自江東。林迷久已隨牲鹿。磐
止何曾有漸鴻。常日錐刀希楚富。千年鉛槧諱丘窮。莫將
新意翻碁局。一等成虧付國工。

齊國太夫人挽詞

風樹秋悲乞暫閑。壽星宵隕幾時還。子同房杜經綸地。夫
在荀陳伯仲間。恩重七封開表海。行高三美勒名山。猶言
未足平生養。看卽元臺恨莫攀。

安撫待制侍郎徐公挽詞二首

玉質金章映海濱。養成天德異凡倫。曾顏窈眇關前聖。管
葛粗疎付後人。惆悵窮途三乞癸。吁嗟厄歲再逢寅。送公
何物堪將去。留在埋銘石色新。

飲冰那得不醒然。北看成南醜又妍。建策須爲萬世慮。孤
忠亦有一身全。星文忍向生前墜。夢事方從死日傳。莫指

鳴山歸路熟青林黃葉度年年。

許相公挽詞二首

容成堂上光華別謝客巖前意象閑身到三台良未滿年
漆九老定誰慳高期落落塵囂外苦論喧喧醉夢間我欲
爲公深著語桂林芝樹不同刪。

行露空多曉色催夜香燒斷作飛埃松江鱸好憑誰憶金
谷花濃只自開玉女雲中應盡去仙人霧裏更重來千年
一判禁銷得涕掩寒塘錯莫回。

送丁子齊主簿

明經六十未收科自取南宮計若何來歲須將一戰霸浮
家今厭百程過預愁菊蕊行中破還喜梅花到後多從古
功名致身早誤隨陶令晚蹉跎。

丁少明挽詩

枕冷秋山不記年。時時逸想醉看天。吟成絕妙驚人句。散盡麤浮使鬼錢。萬卉有情風暖後。一筇無伴月明邊。新來王子碑能說。筆意堪將此共傳。

○ 宋仲方遊吳袖文索詩爲別

九曲絃歌滿巷傳。儒林聲價有誰先。昔憐少學隨翁久。今喜新文信汝賢。刪後畫前元未聖。南花北葉定誰妍。終期猛進一篙力。透過龍門急水船。

○ 毛密夫挽詞

我昔髫年侍此翁。自甘窮僻古人同。道修白業曾先悟。官近青雲却未通。庭長嫩蜩新戲雨。徑存衰柳舊搖風。世間榮落私情盡。留得清名是至公。

○ 直院中書莫公殂往哀痛不能成文輒留小詩靈几并致鱸魚金柑爲奠

并致鱸魚金柑爲奠
閣老今無地上身黃麻紫誥兩沈淪虛懸東嶺來時月難
挽西山去後春試割冰鱸猶脆薄重飡野橘尙甘辛最憐
趙子同心事相看題封淚染茵

薛君季常挽詞

汨羅謾隕離騷經伊洛源流今更清自別三年無信息忽
驚一日有銘旌乾坤未放虛空壞蠻貊猶須事業成桂樹
團圓半丘土春風還許爲君榮

題彭澤縣尉廳林壑之勝

彭澤西山天祕惜淵明未敢發幽緘始從石尉兼王尉洗
出前巖到後巖也只暫時供步履可能終老卸朝衫應須
卻誦歸來句重把家園草自芟

送趙提幹

與君中外情偏厚嗟我龍鍾志已摧豈有尋常墮泥滓不

教宛轉助風雷。花枝買笑前村趁。柳帶牽情別浦催。細雨
酒亭東望處。應將新語寄潮回。

賀縣尉

端麗還有北人風。大雅元非楚士同。此日深探應徹底。他
時直上定摩空。離家杳杳百灘外。過我昏昏三伏中。籬破
屋荒無路入。荷花招手席門東。

送曹潛夫

東南作闕歎年徂。遠遠參司到蜀都。元帥幕中須受辟。生
羌界上也分符。閑吟杜甫詩千字。時載揚雄酒一壺。只我
衰殘望君切。杜鵑聲裏認歸塗。

謝李參政因送曹瀘州寄簡

大廈元須獨木枝。李公補處屬良時。千年立國唐虞上。一
念勤民禹稷思。恨昔寡聞空自誤。況今消盡有誰知。雙鳧

念勤民再稷思恨昔寡聞空自誤況今消盡有誰知雙鳧
雙鴈蕭蕭影孤嶼亭邊正著藜

贈李秀才肖舒

帆來帆去海中山自笑臞仙歲月閑忽值巡遊防不突也
叨扈從識龍顏寺傳弓劔烟嵐外門掩詩書浪泊間待得
諸孫上金榜九重高拱報堯班

郭伯山挽詞

兄弟窮經各一時百年義塾尙留炊講燈常照鶴窺坐壇
杏半紅猿揀枝未奏邊功明主惜將成京秩故人悲挽君
已老應先盡安得埋銘更後垂

題王叔範自耕園

自耕不要從人得知在盧南第幾街吳地于今說佳麗浙
人自昔巧安排包容花竹春留巷謝遣蒲荷雪滿涯心想
新園名字出故時臺館半沈埋

福國太夫人陳氏挽詩

曾經天語贊華簪。應是忠多報獨深。
寂寂孤鸞羞鑑影。輝輝雙鳳失梧陰。
沖心自與家規競。空性都無世網侵。
聞說埋銘親付祝。照碑斜日下寒林。

送郭黃中

鴈山削玉上青雲。仙侶常遊遣俗紛。
飛鳥可無能少駐。洞簫何幸復親聞。
看承下戶恩尤重。賓禮高賢意自欣。
忽憶門西貧士宅。蟄雷繞甌黍初饋。

劉孺人挽詩

嗚嗚當年女手縫。一家從此更雍雍。
性安於善行無迹。兒自爲銘筆有蹤。
聞說湖清見龍首。還疑墓長幕雲峰。
哀情變化何終極。留澤凌霄絳遶松。

張提舉挽詞

令祖親扶日。馭升孫今喜復似翁清。恩波再入淮流滿。信

令祖親扶日馭升。孫今喜復似翁清。恩波再入淮流滿，信節初傳嶺外名。夏木千重添野趣，秋風三疊寄幽情。長年慣唱漁家曲，難聽茲晨薤露聲。

薛端明挽詩二首

可但補闕名官日，不逢引裾強諫時。上朝有疏天常納，下殿無行誰獨疑。論道何如出綸晚，督軍頗嘆封侯遲。凌烟畫手今寂寞，荳蔻林高荔子垂。

冰稼初融闕月沈，英豪四坐地爐深。爭看塵尾頻揮處，難了朱絃未盡音。怪我輕談當世事，知公默會古人心。空山穩對梅花宿，錯向林逋墓裏尋。

送林子高

老我追隨亦賸人，研軒標格久成塵。意先遠水常趨海，節與修篁自作筠。諫苑舊知欣有信，漆坊新隱嘆無鄰。梅花

應待行時發野岸山房探得春

○塔頭林君挽詩

之河繞浦各紆縈。結束樓臺穩更清。全與好人修實地。任教流俗趁虛名。兒應自了書林債。淚苦還滋墓柏榮。今歲田荒望周急。鄉村憶著倍關情。

題劉潛夫詩什併以將行

寄來南嶽第三臺。穿盡遺珠簇盡花。幾度驚教祝融泣。一齊傳與尉佗誇。龍鳴自滿空中韻。鳳唳都無巧後哇。庾信不留何遜往。評君應得當行家。

○送宋知錄

與子比鄰計未疎。河梁新駕月明初。老人輕作三年別。強記難忘一覽餘。節相喜材添局務。寺丞引類借朝裾。只愁戀著衙樓好。回厭家山道不如。

和王宗卿白兔詩

鴉帶初陽照廣津。兔隨斜月滿虧輪。瑞登韓筆名尤重。喜
動歐吟事轉神。不道奇毛妒霜雪。應知雅意合松椿。龜年
鶴歲猶嫌少。獻與尊堂別紀春。

李處士挽詩

憶吟詩句與君兒。曾說高宗涕自揮。兩地兵休重富樂。百
年家活共輕肥。多留螢火明書案。閑著漁蓑傍釣磯。身內
已無塵土僻。霜阡雪塢送將歸。

衢州雜興二首

玉研朱弓不可尋。暖風催綠麥成陰。越山行盡見平野。江
上水流無逝音。地跨京師都邑壯。俗兼吳楚智謀深。詔書
寬大邦人誦。知有賢侯緩轡臨。

樊梅野雪掃成泥。桃李紛紛照舊蹊。行子束書輕駟馬。主

才元名譽銜厚與中以試也
祁尚書使金賀正且見金史
多聘表

人炊蓐候鳴鷄百年固圉荒蓬藿萬里耕桑接町畦堪笑
腐儒何用此只今飄轉楚江西

七言絕詩

題閻才元喜雪堂

東來十月黃塵滿霰點霜花總未堪恰是使君誠意足帶
將臘雪赴荆南

平壓龍山五尺危墮鳶何處避陰威漸令融罷春泥軟麥
浪黏天燕子飛

簷角低隈小凭欄霏霏只合對高寒他年認得名堂意不
作銷金煖帳看

除夜元日連登烟霏樓

巖巒寬去靈虬寺水竹低橫處士園此是蘄州無比好亦
如澗下好山川

摧荷秃柳不勝春脈脈荒隄數過人我若有材能速化應

如澗下好山川
摧荷禿柳不勝春。脈脈荒隄數過人。我若有材能速化。應將地巧答天真。

元夕立春喜晴於是郡人久不出矣

膏火無光已累年。歡娛少味是窮邊。強吹簫鼓迎烏帽。勾引遊人近酒前。

十夜茅簷宿凍雲。商量送臘又迎春。併將束葦熏天焰。回得陽和捧日輪。

艾褐家紬闊闊裁。抱孫攜子看燈來。餘甘暫棄從教覓。莫鬪機心漫自猜。

岷江愁二首挽陳持中知府郎中嫂恭人

岷江諸峯如獻酬。岷江潭頭紺碧流。不愁水生勸人去。只愁人死送山休。

誰家雙旆揚春波。黑頭中郎宰相科。有兒有女後應好。同

生薑門不見附誌蓋即今之三
向門也心所居在會昌湖東
西湖正對其地居人後自如脚
蓋印生薑昔近之北淨社寺
在集雲禪院明心寺觀之在
志失戴耳又卷七送子陽
詩收德古室南抱袂生薑門
謂子陽自永康來訪心也生
薑門三字甚妙在居人多有
知之此矣 止庵

穴同時今奈何

劉高士自畫琴橫膝前對雲起求詩

試向遮巖擁壑時
弄絃調軫按前徽
未須寫就多情曲
饒與閑雲自在飛

○ 水心即事六首兼謝吳民表宣義

生薑門外山如染
山水娛人歲月長
淨社傾城同禩飲
法明闔郭共燒香

我久無家今謾歸
賣田買宅事交違
填高幫闊為深費
柱小簷低可厚非

雖有蓮荷浸屋東
暑煩睡過一陂紅
秋來人意稍蘇醒
似惜霜前零亂風

拒霜旋插花疎疎
甘菊新移日曬枯
花草只今如此在
幾時寫作會昌圖

聽唱二一更囉裏論白旁單漿水心村潮回再入家家浦月

聽唱三更囉裏論。白旁單漿水心村。潮回再入家家浦。月上還當處處門。

吳翁肥遯逾七十。木老芝荒手自鋤。惠我篇章成錦字。西鄰得伴亦堪書。

○詩悼路鈴舍人德久潘公

詩人冥漠去何許。花鳥相寬不作愁。耆舊只今新語少。九原喚起韋蘇州。

風騷閩域自難親。隨世聲名未必真。更遠更疎應不在。山謠水語記精神。

憶昔論詩不自鑄。上規雅頌復誰先。此絃合爲何人絕。重撫遺編一慨然。

柯君振相別三十餘年。爲言親喪不能舉。請賦此詩。庶幾有哀之者。

土淺難藏夢裏身。春花秋草幾悲辛。無人爲買南山麓。月
戶風櫺作好隣。

橘枝詞三首記永嘉風土

蜜滿房中金作皮。人家短日挂疎籬。判霜翦露裝船去。不
唱楊枝唱橘枝。

琥珀銀紅末是醇。私酤官賣各生春。只消一盞能和氣。切
莫多盃自害身。

鶴袖貂鞋巾閃鴉。吹簫打鼓趁年華。行春以東崢水北。不
妨歡樂早還家。

贈口道人

赤脚蓬頭古觀旁。沈迷人海意茫茫。公卿見了無奇特。更
說長生別有方。

過葉威仲不值

菊苗新擢馬蘭叢。柳老吹花拂掠空。聞說先生過山去。鈞

過葉威仲不值
菊苗新擢馬蘭叢。柳老吹花拂掠空。聞說先生過山去釣，
絲無主繫東風。

○ 余泛舟不能具舫，創爲隆蓬，加牖戶焉。

雖然一槳匆匆去，也要身寬對好山。新拗蓬牕高似屋，諸
峯獻狀住中間。

鋤荒

鋤荒培薄寺東隈，一種風光百樣栽。誰妒眼中無俗物，前
花開徧後花開。

○ 送朱相士朱文昭族孫云得劉碧雲相法

南蕩書林長砌蘿，碧雲鞋底曬庭莎。從今湖海須行徧，眼
法雖親要看多。

○ 潛經閣

當日先生住一軒，手抄六籍自忘言。至今遺墨如新寫，付

與樓居四世孫

題施紙被蔡宣義所藏孫太守褒諭帖

乞子黝黝暖凍軀。押衙得得奉親書。孫公已去蔡公死。近日鄉人嘆不如。

劉氏女自誓爲尼。憐其操者幸助成之。

漢上洪波不可親。夔州華髮自嫌貧。世間浮想如枯蠟。還向虛空嫁此身。

送蔡學正

鍊盡剛成與物和。崢嶸夜氣合清磨。好溪新漲連天綠。近晚無風亦不波。

奉酬般若長老

簡師詩語特驚人。六反掀騰不動身。說與東家小兒女。塗紅染綠未禁春。

紅染絳未禁春
營師常秉燭爲人說氣色戲成此絕

曙色熹微已出門擘浮熱眼相旁人不如睡足朦朧起留
得沈光看本身

○ 衆議留李師煉丹旣而不果

火養經年永未收病身還向急時求道人別覓安爐地今
夜潮平下館頭

○ 下僊看梅

背人遠住奚師塢何意追尋特特來更要明年此時節溪
翁相喚不相猜

隨山的的五千樹慚愧識花人姓施說似龍形都不肯昨
朝新見水沈枝

○ 對讀文選杜詩成四絕句

一從屈原離騷賦便至杜甫短長吟千載中間多作者誰

於海嶽算高深。

絕疑此老性坦率。無那評文兼世情。若比乃翁增上慢。諸賢何得更垂名。

江淹雜體意不淺。合彩和音列衆珍。揀出陶潛許前輩。添來庾信是新人。

草堂四松看摩空。灑西千果交青紅。似須隱約住蜀道。可惜奔波離峽中。

題學海樓

夜誦都忘浪枕喧。爾家江月舊樓存。新來轉使朝宗近。目送風帆到海門。

○張總幹挽詩

長年官食旅邊州。當路知音不自由。薦墨雖圓人已寂。半輪斜月返新丘。

翁常之挽詩

晉畫唐吟老愈奇。堪嗟動轉是風機。幸能栩栩形中去。何不遑遑夢裏歸。

秀峯插天下。回溪曾送郴州路。久迷更欲扶衰爲公往。葛陂龍化的盧嘶。

陳待制挽詩

喚作成虧總雪消。等閑好惡任風飄。齊侯自要乘千駟。顏子何妨飲一瓢。

已報西川落那邊。倒盃索賭計茫然。也知漢北餽糧聚。能使江東保障全。

昔年行住偶相同。捨策追羊徑未通。只麼空歸在何處。一竿紅日海門東。

世事從來半局碁。夜眠還有不應時。時巖橋畔船辭柁。冷

水觀邊花發枝

○送鮑賓甫

近年詩友東西去贈子驪駒媿不多
古柳渡頭音調別滄浪聞處夜深歌

請惟耿住水陸院

宰官不管僧閑事北秀南能總未親
說似隨緣耿長老這回住院且由身

○讀葉子元詩題其後

心閑誤比游絲轉境勝空疑濁燄流
我亦輸君聞早覺醉吟都與句中收

○送別李毅高宣教

堪嘆媧皇六葉孫直將豪武蓋諸昆
黃金散盡身如寄閑管春風白下門

送黃巖二陳秀才

一雙璞玉稟天和。遠向東州就琢磨。待得永無痕綬相莫
言功用不須多。

建會昌橋

十里滄浪絕岸遙。幽人行處有誰招。幸無車馬妨來往。買
斷寒蔬取意挑。

蔡良甫觀頤堂

觀頤有二義。士窮在下。安分內足。而不希非意之獲。斂
躬退守。而不顧因人之榮。所謂觀其自養也。蔡君近之
不多。花卉春長在。粗有田園歲自豐。爲問靈龜千歲訣。此
中風味許誰同。

章仙姑

柏水爲糧自療飢。春江千里正逶迤。應知偃鼠歸休地。不

在神龍起螯時。

小句送陳粹甫知錄

蕩裏舟輕指外沙。夾溪蒼筍正催花。南風借與迎親便。未離家時已到家。

送孫子淵潭州司理

我住瀟湘獄自清。囚衫蟲蠹兩飄零。如今三院更幽寂。閉戶勤書花滿廳。

郭宰爲鄭全真歿買田以贍其後

鄭生在日當無食。身後恓惶又可知。郭象有緣天付與。新租滿碓不言飢。

贈通川詩僧肇書記

海關淮深萬里通。吟情浩蕩逐春風。却尋斗水龍湫住。裁剪雲煙字字工。

贈瑞鹿瑩老化緣鑄鐘

寺寺蒼花院院鐘。誰人肯顧此山中。待看窈窕廊陰裏。攏袖疎槌答遠風。

寄題葉路分與君樓如今若肯從徵召。總把三峯乞與君。太宗賜陳希夷詩也。

封侯無例乞名山。只許幽人獨占閑。若會當時與君意。林泉合在市朝間。

直南正竦三奇峯。更著東西紫翠中。面面欄干太親切。要看煙雨澹空濛。

寄題駱子高解元蝸室

須知兩角怒蛙升。卽是千尋綵鳳鳴。滄海定知伸縮處。君看黃潦漫虧盈。

薛嚴州挽詞

瘴雨蠻煙盡掃清。釣臺方軌淨無藤。堪憐獨立滄江上。不許朱轡更一登。

送胡彥思

秋旱兼春處處祈。微茫欲雨又還非。汝行恰值此時別。不到爲霖不肯歸。

贈蔣知縣

穩絆芒鞋盡室行。何曾遣吏向前迎。存齋盡問深深意。只此能存不用名。
紙貴應誇作賦奇。無牛也復詠周詩。長官况自清如水。說與邦人共展眉。

贈孫十五道人

將軍橋畔女仙家。年與鍾馗宴與花。欲度世人無妙訣。睡長留日住簷牙。

送王宗卿

米多稔少賀豐登。蓮吐雙花麥五莖。別有到家呈瑞處。繞籬黃菊向人明。

久違曾閱膝前勞。翻得龔黃意外褒。但使親年多過百人。間一品未為高。

題方武成詩卷

聞說莆中方左鉞。年登二十便長吟。鬼神送與天成句。不道思多嘔出心。

自古詩人高遠處。看君涉步邁前峯。謾呼賈島為同社。莫遣陶潛是別宗。

送惠縣丞歸陽羨

二嶺描成翠骨堆。一川罨畫繡徘徊。三年塵土無人識。山水虛閑與喚回。

我在水心南岸村尋常風景不堪論等於天壤中間住草
醉花迷共記存

送呂子陽二絕

七峯斜轉斗光寒千仞飛來雁影寬生怕被君題寫盡更
留風景後來看
好花移買自嫌貧浪蕊空多未許春放出江邊無數橘半
黃半綠惱騷人

徐師屋廣行家集定價三百

徐照名齊賈浪仙未多詩卷少人看惜錢嫌貴不催買忽
到雞林要倍難

薛景石兄弟問詩於徐道暉請使行質以子錢畀之
彈丸舊是吟邊物珠走錢流義自通認得徐家生活句新
來欄典諱詩窮

渡浙江

晚霞銷盡月明鉤。萬頃無風一水浮。長怕舟師深擊楫，自令洄洑起中流。

遊衢州府園

破疑菴裏押衙石。塵外堂中急就章。猶有春風爲披拂，看人歌舞過殘陽。

再過雲菴

寥寥夜角難禁禁。夜滑滑山鷄只記昏。風景不隨人老大，蒼松無語對修筠。

次王道夫舟中韻三首

鸚鵡收聲避鷓鴣。田家蠶麥已知秋。西湖風物無人共，時有跳魚入過舟。

橐弓聽樂心肝盡。拔劍論功目眦豪。鳴鳥不聞千仞遠，搏

水心文集卷之八
風鷹隼頓能高

舊讀愷歌追小雅
近看羽檄過西京
中興文字須公等
容我春山帶犢耕

因在秀州寄王道夫詩三首

袞袞紅塵五月留
來時落木不勝秋
只今春事濃如許
萬里滄浪又一舟

魚龍遠避水光浮
草木怒長山意豪
獨立和風清宿酒
晚雲收盡月痕高

潘君狂甚詩能古
葉子文高世莫驚
何處有田求二頃
向來三月決歸耕

水心先生文集卷之八



温州市图书馆

WENZHOU LIBRARY



温州市图书馆

WENZHOU LIBRARY